

後漢書

四十



〔史四十二本柄百〕

宋紹興本後漢書

四 十 册

翻 刻 必 究

中華民國二十年八月初版

發行者

商務印書館

印刷者

上海寶山路  
商務印書館

發行所

上海及各埠  
商務印書館

後漢書志第二十五 百官二

劉昭

注補

太常 光祿勳 衛尉

太僕 廷尉 大鴻臚

太常卿一人中二千石 盧植禮注曰如大樂正 本注曰

掌禮儀祭祀每祭祀先奏其禮儀及行事

常贊天子 漢舊儀曰贊饗一人秩六百石掌贊天子 每選試博士奏

其能否大射養老大喪皆奏其禮儀每月

前晦察行陵廟 漢官曰負吏八十五人其十二人四科十五人佐五人假佐十

三人百石十五人騎吏九人學事十六人守學事臣昭曰凡漢官所載列職人數今悉以注雖頗為繁蓋周禮列官陳人役放前以為民極寔觀國制此則宏模不可闕者也 丞一人比千

石

盧植禮注曰如小樂正

本注曰掌凡行禮及祭祀

小事總署曹事

漢舊儀曰丞舉廟中非法者

其署曹掾史

隨事為負諸卿皆然

太史令一人六百石本注曰掌天時星曆

凡歲將終奏新年曆凡國祭祀喪娶之事

掌奏良日及時節禁忌凡國有瑞應災異

掌記之

漢官儀曰太史待詔三十七人其六人治曆三人龜卜三人廬宅四人日時三人易

筮二人典禳九人籍氏許氏典昌氏各  
三人嘉法請雨解事各二人醫一人 丞一人明

堂及靈臺丞一人二百石本注曰二丞掌

守明堂靈臺靈臺掌候日月星氣皆屬太

史漢官曰靈臺待詔四十二人其十四人候星二人候風十二人候氣三人候晷景七人候

鍾律一人舍人

博士祭酒一人六百石本僕射中興轉為

祭酒胡廣曰官名祭酒皆一位之元長者也古禮賓客得主人饌則老者一人舉酒以祭於地

舊說以為示有先博士十四人比六百石本注曰易

四施子孟梁丘京氏尚書三歐陽大小夏侯

氏詩三魯齊韓氏禮二大小戴氏春秋二

公羊嚴顏氏掌教弟子國有疑事掌承問

對本四百石宣帝增秩本紀桓帝延熹二年置祕書監

太祝令一人六百石本注曰凡國祭祀掌

讀祝及迎送神漢舊儀曰廟祭太祝令主席酒漢官曰負吏四十一人其二

百石二人斗食二十二人佐二人學事四人守學事九人有秩百五十人祝人宰二百四十二人屠者六

十丞一人本注曰掌祝小神事

太宰令一人六百石本注曰掌宰工鼎俎

饌具之物凡國祭祀掌陳饌具漢官曰明堂丞一人二百

曰負吏四十二人其二人百石二人斗食二十三人  
佐九人有秩二人學事四人守學事宰二百四十二  
人屠者七十三人  
衛士一十五人

丞一人 大子樂令一人 六百

石本注曰掌伎樂凡國祭祀掌請奏樂及

大饗食用樂掌其陳序

漢官曰負吏二十五人其二人百石二人斗食七人

佐十人學事四人守學事樂人八佾舞三百八十人  
盧植禮注曰大子令如古大胥漢大樂律卑者之子  
不得舞宗廟之酌除吏二千石到六百石及關內侯  
到五大夫子取適子高五尺已上年十二到三十顏  
色和身體修治  
者以為舞人

丞一人

盧植禮注曰大樂丞如古小胥

高廟令一人 六百石本注曰守廟掌察行

掃除無丞

漢官曰負吏四人衛士一十五人

世祖廟令一人六百石本注曰如高廟官漢

曰負吏六人  
衛士二十人

先帝陵每陵園令各一人六百石本注曰

掌守陵園案行掃除丞及校長各一人本

注曰校長主兵戎盜賊事應劭漢官名秩曰丞皆選孝廉郎年

少薄伐者遷補府長  
史都官令候司馬

先帝陵每陵食官令各一人六百石本注

曰掌望晦時節祭祀漢官曰每陵食監一人  
秩六百石監丞一人三

百石中黃門八人從官二  
人案食監即是食官令號



右屬太常本注曰有祠祀令一人後

轉屬少府有太卜令六百石後省并

太史中興以來省前凡十官案前書十官者太宰

均官都水雍太祝五時各一尉也東觀書曰章帝又置祀令丞延平元年省

光祿勳卿一人中二千石本注曰掌宿衛

宮殿門戶典謁署郎更直執戟宿衛門戶

考其德行而進退之胡廣曰勳猶闡也易曰為闡寺官寺主殿宮門戶之

職 郊祀之事掌三獻漢官曰負吏四十四人其十人四科三人百石一人

斗食二人佐六人騎吏八人學事十三人守學事一人官醫衛士八十一人 丞一人比

音元... 後漢書卷三十一

千石

五官中郎將一人比二千石本注曰主五

官郎

蔡質漢儀曰中郎解其府對大學

五官中郎比六百石

本注曰無負

郎年五十以屬五官故曰六百石

五官侍郎比

四百石本注曰無負五官郎中比三百石

本注曰無負凡郎官皆主更直執戟宿衛

諸殿門出充車騎唯議郎不在直中

蔡質漢儀

曰三署郎見光祿勳執板拜見五官左右將執板不拜於三公諸卿無敬

左中郎將比二千石本注曰主左署郎

蔡質

漢儀曰郎中解其府府次五官中郎比六百石侍郎比四百

石郎中比三百石郎三本注曰皆無負

右中郎將比二千石本注曰主右署郎中

郎比六百石侍郎比四百石郎中比三百

石本注曰皆無負三郎並無負

虎賁中郎將比二千石本注曰主虎賁宿

衛前書武帝置期門平帝更名虎賁蔡質漢儀曰主虎賁千五百人無常負多至千人戴鷩冠次

右將府又虎賁舊作虎奔言如虎之奔也王莽以古有勇士孟賁故名焉孔安國曰若虎賁獸言其甚猛

左右僕射左右陞長各一人比六百石本

注曰僕射主虎賁郎習射陸長主直虎賁

朝會在殿中

漢官曰陸長墨綬銅印

虎賁中郎比六百

石虎賁侍郎比四百石虎賁郎中比三百

石

荀綽晉百官表注曰虎賁諸郎皆父死子代漢制也

節從虎賁比二百

石

四郎

本注曰皆無負掌宿衛侍從自節從

虎賁久者轉遷才能差高至中郎

羽林中郎將比二千石本注曰主羽林郎

案漢末又有四中郎將皆帥師征伐不知何時置董卓為東中郎將盧植為北中郎將獻帝以曹操為南

中郎將

羽林郎比三百石本注曰無負掌宿

衛侍從常選漢陽隴西安定北地上郡西

河凡六郡良家補本武帝以便馬從獵還

宿殿陸巖下室中故號巖郎前書曰初置名建章營騎後更

各出補三百石丞尉荀綽晉百官表注曰言其巖厲整說也案此則為巖郎與志不同蔡質漢儀曰羽林

郎百一十八人無常負府次虎賁府

羽林左監一人六百石本注曰主羽林左

騎漢官曰孝廉郎作主羽林九百人二監馬官屬史吏皆自出羽林中有材者作丞一人

羽林右監一人六百石本注曰主羽林右

騎丞一人

奉車都尉比二千石本注曰無負漢官曰三人掌

御乘輿車

駙馬都尉比二千石本注曰無負漢官曰五人掌

駙馬

騎都尉比二千石本注曰無負漢官曰一十人本監

羽林騎

光祿大夫比二千石本注曰無負漢官曰三人凡

大夫議郎皆掌顧問應對無常事唯詔令

所使凡諸國嗣之喪則光祿大夫掌弔

太中大夫千石本注曰無負漢官曰二十人秩比二千石

中散大夫六百石本注曰無負漢官曰三十人秩比二千石

諫議大夫六百石本注曰無負胡廣曰光祿大夫本為中

大夫武帝元狩五年置諫大夫為光祿大夫世祖中興以為諫議大夫又有太中中散大夫此四等於古

皆為天子之下大夫視列國之上卿漢官曰三十人

議郎六百石本注曰無負漢官曰五十人無常負

謁者僕射一人比千石本注曰為謁者臺

率主謁者天子出奉引古重習武有主射

以督錄之故曰僕射蔡質漢儀曰見尚書令對揖無敬謁者見執板拜之

常侍謁者五人比六百石本注曰主殿上

時節威儀漢官曰謁者三十人其二謁者三十

人其給事謁者曰百石其灌謁者郎中比

三百石本注曰掌賓贊受事及上章報問

將大夫以下之喪掌使弔本負七十人中

興但三十人荀綽晉百官表注曰漢皆用孝廉年

曰謁者乃堯之尊官所以試舜賓于四門四門穆穆

者也昔燕太子使荆軻劫始皇變起兩楹之間其後

謁者持匕首刺腋高祖初為灌謁者滿歲為給  
事謁者蔡質漢儀曰出府丞長史陵  
令皆選儀容端正任奉使者



右屬光祿勳本注曰職屬光祿者自  
五官將至羽林右監凡七署自奉車  
都尉至謁者以文屬焉舊有左右曹  
秩以二千石上殿中主受尚書奏事  
平省之世祖省使小黃門郎受事車  
駕出給黃門郎兼有請室令車駕出  
在前請所幸徼車迎白示重慎中興  
但以郎兼事訖罷又省車戶騎凡三

將

如淳曰主車曰車  
郎主戶衛曰戶郎

及羽林令

衛尉卿一人中二千石本注曰掌宮門衛

士宮中徵循事

漢官曰負吏四十一人其九人四科二人二百石文學三人百

石十二人斗食二人佐十二人學事一人官醫衛士六十人

丞一人比千石

公車司馬令一人六百石本注曰掌宮南

闕門凡吏民上章四方貢獻及徵詣公車

者

獻帝起居注曰建安八年議郎衛林為公車司馬今位隨將大夫舊公車令與都官長史位從

將大夫自林始

丞尉各一人本注曰丞選曉諱掌知

非法尉主闕門兵禁戒非掌

胡廣曰諸門部各陳屯夾道其

旁當兵以示威武交戟以遮妄出入者

南宮衛士令一人六百石本注曰掌南宮

衛士

漢官曰負吏九十五人  
衛士五百三十七人

丞一人

北宮衛士令一人六百石本注曰掌北宮

衛士

漢官曰負吏七十二人  
衛士四百七十一人

丞一人

左右都候各一人六百石

周禮司寤氏有夜士  
干寶注曰今都候之

屬本注曰主劔戟士徼循宮及天子有所

收考

漢官曰右都候負吏二十二  
人衛士四百一  
十六人左都候負吏二十八  
人衛士三百八

十三人蔡質漢儀曰宮中諸有劾奏罪左都候執戟  
戲車縛送付詔獄在官大小各付所屬以馬皮覆見

尚書令尚書僕射尚書  
皆執板拜見丞郎皆揖

丞各一人

宮掖門每門司馬一人比千石本注曰南

宮南屯司馬主平城門漢官曰負吏九人衛士百二人古今注曰建武

十三年九月北宮門蒼龍司馬主東門案雒陽宮

初開此門玄武司馬主玄武門門名為蒼龍闕門漢官曰負吏六人衛士四十人

漢官曰負吏二人北屯司馬主北門漢官曰負

士三十人北宮朱爵司馬主南掖門漢官曰負吏

二十四人古今注曰永平二年十一月初作北宮朱爵南司馬門東明司馬主

東門漢官曰負吏十三人衛士百八十人朔平司馬主北門漢

曰負吏五人衛士百一十七人凡七門漢官曰凡負吏皆隊長佐凡居宮中

者皆有口籍於門之所屬宮名兩字為鐵

印文符案省符乃內之胡廣曰符用木長可二寸鐵印以符之若

外人以事當入本宮長史為封棨傳其有

官位出入令御者言其官

右屬衛尉本注曰中興省旅賁令衛

士一人丞漢官目錄曰右三卿太尉所部

太僕卿一人中二千石本注曰掌車馬天

子每出奏駕上函簿用大駕則執馭漢官曰真

吏七十人其七人四科一人二百石文學八人百石六人斗食七人佐六人騎吏三人假佐三十一人學

事一人  
官醫 丞一人比千石

考工令一人六百石本注曰主作兵器弓

弩刀鎧之屬成則傳執金吾入武庫及主

織綬諸雜工漢官曰負吏百九人左右丞各一人

車府令一人六百石本注曰主乘輿諸車

漢官曰負吏二十四人丞一人

未央殿令一人六百石本注曰主乘輿及

殿中諸馬漢官曰負吏七十人卒騶二十人長樂殿丞一人

漢官曰負吏十五人卒騶二十人首蒼苑官田所一人守之

右屬太僕本注曰舊有六廄皆六百

石令

前書曰有大廄未央家馬三令各五丞一尉又車府路軫騎馬駿馬四令丞晉灼曰

六廄名也  
主馬萬匹

中興省約但置一廄後置左

駿令廄別主乘輿御馬後或并省又

有牧師苑皆令官主養馬分在河西

六郡界中中興皆省唯漢陽有流馬

苑但以羽林郎監領

古今注曰漢安元年七月置承華廄令秩

六百  
石

廷尉卿一人中二千石

應劭曰兵獄同  
制故稱廷尉

本注曰

掌平獄奏當所應凡郡國讞疑罪皆處當

以報

胡廣曰讞質也漢官曰負吏百四十人其十一人四科十六人二百石廷史文學十六人

百石十三人獄史二十七人佐二十  
六人騎吏三十人假佐一人官醫 正左監各二

人前漢有左右監平世祖省右而猶曰左左平一人六百石本注

曰掌平決詔獄

右屬廷尉本注曰孝武帝以下置中

都官獄二十六所各令長名世祖中

興皆省唯廷尉及雒陽有詔獄蔡賀漢儀曰正

月旦百官朝賀光祿勳劉嘉廷尉趙世各辭不能朝高賜舉奏皆以被病篤困空文武之位闕



上卿之贊既無忠信斷金之用而有敗禮傷化之尤不謹不敬請廷尉治嘉罪河南尹治世罪

議以世掌廷尉故轉屬他官

大鴻臚卿一人中二千石

周禮象胥干寶注曰今鴻臚

本

注曰掌諸侯及四方歸義蠻夷其郊廟行

禮贊導請行事既可以命羣司諸王入朝

當郊迎典其禮儀及郡國上計匡四方來

亦屬焉

漢官曰負吏五十五人其六人四科二人二百石文學六人百石一人斗食十四人

佐六人騎吏十五人學事五人官醫永元十年大匠應順上言百郡計吏觀國之光而舍逆旅崎嶇私館

直裝衣物敝朽暴露朝會邀遠事不肅給昔霸國盟主耳舍諸侯於隸人子產以為大譏况今四海之大

而百無平和帝嘉  
納其言即創業焉  
皇子拜王贊授印綬及拜

諸侯諸侯嗣子及四方夷狄封者臺下鴻

臚召拜之王薨則使弔之及拜王嗣丞一

人比千石

大行令一人六百石本注曰主諸郎漢官曰  
貞吏四

十丞一人

治禮郎四十七人漢官曰其四人四科五人二  
百石文學五人百石九人斗

食六人佐六人學事十二人守學事東觀書曰主齋  
祠饋贊九賓又有公室主調中都官斗食以下功次

相補案盧植禮注曰大行  
郎亦如謁者兼舉形貌

右屬大鴻臚本注曰承秦有典屬國  
別主四方夷狄朝貢侍子成帝時省  
并大鴻臚中興省驛官別火二令丞

如淳曰漢儀注別火  
獄令官主治改火事及郡邸長丞但令

郎治郡邸漢官目錄曰右  
三官司徒所部

後漢書志第二十五



後漢書志第二十六 百官三

劉昭

注補

宗正 大司農 少府

宗正卿一人中二千石本注曰掌序錄在

國嫡庶之次及諸宗室親屬遠近郡國歲

因計上宗室名籍若有犯法當髡以上先

上諸宗正宗正以聞乃報決胡廣曰又歲一治諸王世譜差

序秩第漢官曰負吏四十一人其六人四科一人二百石四人百石三人佐六人騎吏二人法家十八人

學事一人官醫 丞二人比千石

諸公主每主家令一人六百石丞一人三

百石本注曰其餘屬吏增減無常

漢書曰主簿一

人秩六百石僕一人秩六百石私府長一人秩六百石家丞一人三百石直吏三人從官二人東觀書曰

其主薨無子置傳一人守其家

右屬宗正本注曰中興省都司空令

丞

如淳曰主罪人

大司農卿一人中二千石本注曰掌諸錢

穀金帛諸貨幣郡國四時上月旦見錢穀

簿其逋未畢各具別之邊郡諸官請調度

者皆為報給損多益寡取相給足

漢書曰負吏百六十

四人其十八人四科九人斗食十六人二百石文學二千五百石二十五人佐七十五人學事一人官醫

丞一人比千石部丞一人六百石本注曰

部丞主幣藏

古今注曰建初七年七月為大司農置丞一人秩千石別主幣藏則

部丞應是而秩不同應劭漢官秩亦云二千石

太倉令一人六百石本注曰主受郡國傳

漕穀

漢官曰負吏九十九人

丞一人

平準令一人六百石本注曰掌知物賈主

練染作采色

漢官曰負吏百九十九人

丞一人

導守官令一人六百石本注曰主春御米及

作乾糒導擇也

漢官曰負吏百一十二人

丞一人

右屬大司農本注曰郡國鹽官鐵官

本屬司農中興皆屬郡縣

魏志曰曹公置典農中郎

將秩二千石典農都尉秩六百石或四百石典農校尉秩比二千石所主如中郎部分別而少

為校尉丞

又有廩犧令六百石掌祭祀犧牲

鴈鴛之屬

漢官曰丞一人三百石負吏四十一人其十一人斗食十七人佐

七人學事五人守學事皆河南屬縣給吏者

及雒陽市長

漢官曰市

長一人秩四百石丞一人二百石明法補負吏三十六人十三人百石嗇夫十一人斗食十二



人佐又有檄擢丞三百石別治中水  
官主水渠在馬市東有負吏六人  
滎陽教

倉官中興比皆屬河南尹餘均輸等皆

省  
均輸者前書孟康注曰謂諸當所有輸於官者皆令輸其土地所饒平其所在時賈

官更於他處貨之輸者既便而官有利鹽鐵論大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠方之貢故曰均輸開委府于京師以

籠貨物賤則買貴則賣是以縣官不失實商賈無所利故曰平準準平則民不失職均輸則民不劬勞故平準均輸所以平萬物而便百姓也文學曰古之賦稅於民也因其所工不求所拙農人納其穫工女效其織今釋其所有責其所無百姓賤買貨物以便上求間者郡國或令民作布絮吏留難與之爲市吏之所入非獨齊陶之繅蜀漢之布也亦民間之所爲耳行姦賣平

農民重苦必苦女工繭稅未見輸之均也縣官  
猥發闔門擅市即萬民並收並收則物騰躍騰  
躍則商賈利自市則吏容姦豪吏富商積貨儲  
物以待其急輕賈姦吏收以取貴未見準之平  
也蓋古之均輸所以齊勞逸而便貢輸非以為  
利而賈萬物也王隆小學漢官篇曰調均報度  
輸漕委輸胡廣注曰邊郡諸官請調者皆為調  
均報給之也以水通輸曰漕委積也郡國所積  
聚金帛貨賄隨時輸送諸司農曰委輸以供國  
用前書又有都內籍田令丞幹官鐵市兩長丞  
郡國諸倉農監六十  
五官長丞皆屬之

少府卿一人中二千石本注曰掌中服御

諸物衣服寶貨珍膳之屬

漢官曰負吏三十  
四人其一人四科

一人二百石五人百石四人斗石三人佐六人騎吏  
十三人學事一人官醫少者小也小故稱少府王者

以租稅為公用山澤陂池之稅以供王之私用古皆作小府漢官儀曰田租芻橐以給經用凶年山澤魚鹽市稅少府以給私用也丞一人比千石

大醫令一人六百石本注曰掌諸醫漢官曰負

醫二百九十三人負吏十九人藥丞方丞各一人本注曰藥

丞主藥方丞主藥方

太官令一人六百石本注曰掌御飲食漢官

曰負吏六十九人衛士三十八人荀綽晉百官表注曰漢制太官令秩千石丞四人秩四百石不與志同

左丞甘丞湯官丞果丞各一人本注曰左

丞主飲食甘丞主膳具湯官丞主酒果丞

主果

荀綽云甘丞掌諸甘肥果丞別在外諸果菜茹

守宮令一人六

百石本注曰主御紙筆墨及尚書財用諸

物及封泥

漢官曰負吏六十九人

丞一人

漢官曰外官丞二百石公府吏府也

上林苑令一人六百石本注曰主苑中禽

獸頗有民居皆主之捕得其獸送太官

漢官

曰負吏五十八人案

相帝又置鴻德苑令丞尉各一人

侍中比二千石

漢官秩云千石周禮太僕干寶注曰若漢侍中

本注

曰無負掌侍左右贊導眾事顧問應對法

駕出則多識者一人參乘餘皆騎在乘輿

車後本有僕射一人中興轉為祭酒或置

或否

蔡質漢儀曰侍中常伯選舊儒高德博學淵懿仰占俯視切問近對喻旨公卿上殿稱制

參乘佩璽秉劔負本八人陪見舊在尚書令僕射下尚書上今官出入禁中更在尚書下司隸校尉見侍

中執板揖河南尹亦如之又侍中舊與中官俱止禁中武帝時侍中莽何羅挾刃謀逆由是侍中出禁外

有事乃入畢即出王莽秉政侍中復入與中官共止章帝元和中侍中郭舉與後宮通拔佩刀驚上舉伏

誅侍中由是復出外中常侍千石本注曰官者無負後

增秩比二千石掌侍左右從入內宮贊導

內眾事顧問應對給事黃門侍郎六百石

本注曰無負掌侍從左右給事中關通中

外及諸王朝見於殿上引王就坐

漢舊儀曰黃門

郎屬黃門令日暮入對青瑣門拜名曰夕郎宮閣薄青瑣門在南宮衛瓘注吳都賦曰青瑣戶邊青鏤也

一曰天子門內有眉格再重裏青畫曰瑣獻帝起居注曰帝初即位初置侍中給事黃門侍郎負各六人

出入禁中近侍帷幄省尚書事改給事黃門侍郎為侍中侍郎去給事黃門之號旋復復故舊侍中黃門

侍郎以有中宮者不與近密交政誅黃門後侍中侍郎出入禁闈機事頗露由是王允乃奏比尚書不得

出入不通賓客自此始也又曰諸奄人官悉以議郎郎中稱秩如故諸署令兩梁冠陞殿上得召都官從

事已下

小黃門六百石官者無負掌侍左右受尚

書事上在內宮關通中外及中宮已下衆

事諸公主及王太妃等有疾苦則使問之

黃門令一人六百石

董巴曰禁門曰黃闥以中  
人主之故號曰黃門令

本注曰官者主省中諸官者

漢官曰負  
承從

丞各一人本注曰官者從丞主出入從

黃門署長畫室署長玉堂署長各一人丙

署長七人皆四百石黃綬本注曰官者各

主中宮別處

中黃門穴從僕射一人六百石本注曰官

者主中黃門穴從居則宿衛直守門戶出

則騎從夾乘輿車

中黃門比百石本注曰官者無負後增比  
三百石掌給事禁中

掖庭令一人六百石本注曰官者掌後宮

貴人采女事

漢官曰吏從官百六十七人待詔五人負吏十人

左右丞

暴室丞各一人本注曰官者暴室丞主中

婦人疾病者就此室治其皇后貴人有罪

亦就此室

永巷令一人六百石本注曰官者典官婢



侍使

漢官曰負吏六人  
吏從官三十四人

丞一人本注曰宦者

漢官

曰右丞一人  
暴室一人

御府令一人六百石本注曰宦者典官婢

作中衣服及補浣之屬

漢官曰負吏七人  
吏從官三十人

丞織

室丞各一人本注曰宦者

漢官曰右丞一人

祠祀令一人六百石本注曰典中諸小祠

祀

漢官曰從官吏八人  
僕射一人家巫八人

丞一人本注曰宦者

鈎看令一人六百石本注曰宦者典諸近

池苑園遊觀之處

漢官曰吏從官四十八人

丞永安

丞各一人三百石本注曰宦者永安北宮

東北別小宮名有園觀苑中丞果丞鴻池

丞南園丞各一人二百石本注曰苑中丞

主苑中離宮果丞主果園鴻池池名在雒

陽東二十里南園在雒水南漢官曰又有署一人胡熟監一

人案本紀桓帝又置顯陽苑丞濯龍監應劭漢官秩曰秩六百石直里監各

一人四百石本注曰濯龍亦園名近北宮

直里亦園名也在雒陽城西南角

中藏府令一人六百石本注曰掌中幣帛

金銀諸貨物

漢官曰負吏十三人吏從官六人

丞一人

內者令一人六百石本注曰掌中布張諸

衣物

漢官曰從官錄事一人負吏十九人

左右丞各一人

尚方令一人六百石本注曰掌上手工作

御刀劔諸好器物

漢官曰負吏十三人吏從官六人

丞一人

尚書令一人千石本注曰承秦所置

荀綽晉百官表

注曰唐虞官也詩云仲山甫王之喉舌蓋謂此人

武帝用官者更為中

書謁者令成帝用士人復故掌凡選署及

奏下尚書曹文書眾事

蔡質漢儀曰故公為之者朝會不陞奏事

增秩二千石故  
自佩銅印墨綬

尚書僕射一人六百石本注曰署尚書事

令不在則奏下衆事蔡質漢儀曰僕射主封門掌授廩假錢穀凡三公列

卿將大夫五營校尉行復道中遇尚書僕射左右丞郎御史中丞侍御史皆避車豫相迴避衛士傳不得

近臺官臺官過後乃得去目昭索獻帝分置左右僕射建安四年以榮邵為尚書左僕射是也獻帝起居

注曰邵卒官贈執金吾

尚書六人六百石本注曰成帝初置尚書

四人韋昭曰分為四曹漢舊儀曰初置五曹有三公曹主斷獄蔡質漢儀曰

興天下歲盡集課事三公尚書二人典三公文書吏曹尚書典選舉齋祀屬三公曹靈帝末梁鵠為選部

尚書常侍曹尚書主

公卿事蔡質漢儀曰主常侍黃門御史事世祖改

曰吏二千石曹尚書主郡國二千石事

漢舊儀曰

亦云主刺史蔡質漢儀曰掌中郎官水火盜賊辭訟罪責

民曹尚書主凡吏

上書事

蔡質漢舊儀曰典繕治功作監池苑囿盜賊事

客曹尚書主

外國夷狄事

尚書龍作納言出入帝命應劭曰今尚書官王之喉舌

世祖

承遵後分二千石曹又分客曹為南主客

曹北主客曹

蔡質漢儀曰天子出獵駕御府曹郎屬之

凡六曹

周禮天官

有司會鄭玄曰若今尚書

左右丞各一人四百石本注曰掌錄文書

期會左丞主吏民章報及騶伯史

蔡質漢儀曰摠典臺

中綱紀無所不統

右丞假署印綬及紙筆墨諸財用

庫藏

蔡質漢儀曰右丞與僕射對掌授廩假錢穀與左丞無所不統凡中官漏夜盡鼓鳴則起

鍾鳴則息衛士甲乙徼相傳甲夜畢傳乙夜相傳盡五更衛士傳言五更未明三刻後雞鳴衛士踵丞郎趨嚴上臺不畜官中雞汝南出雞鳴衛士候朱爵門外專傳雞鳴於官中應劭曰楚歌今雞鳴歌也晉太

康地道記曰後漢固始鮑陽公安細陽四縣衛士習此曲於闕下歌之今雞鳴是也

侍郎三十六人四百石本注曰一曹有六

人主作文書起草

蔡質漢儀曰尚書郎初從三署詣臺試初上臺稱守尚書

郎中歲滿稱尚書郎三年稱侍郎客曹郎主治羌胡事劇遷二千石或刺史其公遷為縣令秩滿自占縣

去詔書賜錢三萬與三臺祖餞餘官則否治嚴一月  
準謁公卿陵廟乃發御史中丞遇尚書丞郎避車執  
板住揖丞郎坐車舉手禮之車過遠乃去尚書言左  
右丞敢告知如詔書律令郎見左右丞對揖無敬稱  
曰左右君丞郎見尚書執板對揖稱  
令史十八人

二百石本注曰曹有三主書後增劇曹三

人合二十一人古今注曰永元三年七月增尚書  
令史負功滿未嘗犯禁者以補小

縣墨綬蔡質曰皆選蘭臺符節上稱簡精練有吏能  
為之決錄注曰故事尚書郎以令史久缺補之世祖

始改用孝廉為郎以孝廉丁郎補焉郎稱病不就詔  
問實病羞為郎乎對曰臣實不病取以孝廉為令史

職耳世祖怒曰虎賁減頭杖之數十詔問欲為郎不  
郎曰能殺臣者陛下不能為郎者臣中詔遣出竟不

為郎郎字叔春京兆陽陵人也有高節正直不撓後  
拜汾陰令治有名迹遷漢中太守妻弟為公孫述將

收妻送南鄭獄免冠徒跣自陳詔曰漢中太守妻乃繫南鄭獄誰當搔其背垢者懸牛頭賣馬脯盜跖行孔子語以邯服罪且邯一妻冠履勿謝治有異卒於官

符節令一人六百石本注曰為符節臺率

主符節事凡遣使掌授節尚符璽郎中四

人本注曰舊二人在中主璽及虎符竹符

之半者

漢官曰當得明法律郎周禮掌節有虎節龍節皆金也于寶注曰漢之銅虎符則其

制也周禮又曰以英蕩輔之于寶曰英刻書也蕩竹前也刻而書其所使之事以助三節之信則漢之竹

使符者亦取則於故事也符節令史二百石本注曰掌書

魏氏春秋曰中平六年始復節上赤葆



御史中丞一人千石本注曰御史大夫之

丞也舊別監御史在殿中密舉非法周禮掌建邦之

官刑以主治王宮之政令及御史大夫轉為司

空因別留中為御史臺率風俗通曰尚書御史臺皆以官蒼頭

為史主賦舍凡守其門戶蔡質漢儀曰丞故二千石

為之或選侍御史高第執憲中司朝會獨坐內掌蘭

臺督諸州刺史糾察百寮出為二千石魏志後又

曰建安置御史大夫不領中丞置長史一人屬少府治書侍御史二人六百石本注曰

掌選明法律者為之凡天下諸讞疑事掌以法律當其是非

後漢書卷二十六

三

蔡質漢儀曰選御史高第補之胡廣曰孝宣感路温舒言

秋季後請讞時帝幸宣室齋居而決事令侍御史二人治書御史起此後因別置冠法冠秩百石有印綬與符節郎共平廷尉奏事罪當輕重荀綽晉侍御百官表注曰惠帝以後無所平治備位而已

史十五人六百石本注曰掌察舉非法受

公卿羣吏奏事有違失舉劾之凡郊廟之

祠及大朝會大封拜則一人監威儀有違

失則劾奏蔡質漢儀曰其二人者更直執法省中者皆糾察百官督州郡公法府掾屬高

第補之初稱守滿歲拜真出治劇為刺蘭臺令史史二千石平遷補令見中丞執板揖

六百石本注曰掌奏及印工文書

右屬少府本注曰職屬少府者自太

醫上林凡四官自侍中至御史皆以  
文屬焉承秦凡山澤陂池之稅名曰  
禁錢屬少府世祖改屬司農考工轉  
屬太僕都水屬郡國孝武帝初置水  
衡都尉秩比二千石別主上林苑有  
離宮燕休之處世祖省之并其職於  
少府每立秋驅劉之日輒暫置水衡  
都尉事訖乃罷之少府本六丞省五  
又省湯官織室令置丞又省上林十

池監胞人長丞官者昆臺

昆臺本名甘泉居室武帝

改 飲飛

飲飛本名左弋武帝改

三令二十一丞又

省水衡屬官令長丞尉二十餘人章

和以下中官稍廣加嘗藥太官御者

鉤盾尚方考工別作監皆六百石官

者為之轉為兼副或省故錄本官

蔡質

漢儀曰少府符著出見都官從事持板都官從事入少府見符著持板漢官目錄曰右三

卿司空所部

後漢書志第二十六

後漢書志第二十七

百官四

劉 昭 注補

執金吾

太子太傅

大長秋

太子少傅

將作大匠

城門校尉

北軍中候

司隸校尉

執金吾一人中二千石

漢官秩云比二千石

本注曰掌

宮外戒司非常水火之事

胡廣曰衛尉巡行宮中則金吾徼於

外相為表裏以擒姦討猾

月三繞行宮外及主兵器吾猶

禦也

應劭曰執金革以禦非常漢官曰負吏二十九人其十人四科一人二百石文學三人百

石二人斗食十三人佐學事主緹騎

丞一人比千石

漢官秩云六百石

緹騎

二百人本注曰無秩比史食奉

漢官曰執金吾緹騎二百

人五百二十人輿服導從光滿道路羣僚之中斯最壯矣世祖歎曰仕宦當作執金吾

武庫

令一人六百石本注曰主兵器丞一人

右屬執金吾本注曰本有式道左右

中候三人六百石車駕出掌在前清

道還持麾至宮門宮門乃開中興但

一人又不常置每出以郎兼式道候

事已罷不復屬執金吾又省中壘寺

五都船令丞尉及左右京輔都尉

太子太傅一人中二千石本注曰職掌輔

導太子禮如師不領官屬

荀綽晉百官表注曰唐虞官

大長秋一人二千石本注曰承秦將行官

者景帝更爲大長秋或用士人中興常用

官者職掌奉宣中宮命凡給賜宗親及宗

親當謁見者關通之中宮出則從

張晏曰皇后卿

丞

一人六百石本注曰宦者

中宮僕一人千石本注曰宦者主馭本注  
曰太僕秩二千石中興省太減秩千石以  
屬長秋

中宮謁者令一人六百石本注曰宦者中  
宮謁者三人四百石本注曰宦者主報中  
章

中宮尚書五人六百石本注曰宦者主中  
文書

中宮私府令一人六百石本注曰宦者主



中藏幣帛諸物裁衣被補浣者皆主之丁

漢儀曰中宮藏府令秩千石儀比御府令丞一人本注曰官者

中宮丞巷令一人六百石本注曰官者主

宮人丞一人本注曰官者

中宮黃門冗從僕射一人六百石本注曰

官者主中黃門冗從丁孚漢儀曰給事中宮侍郎六人比尚書郎官者為

之給事黃門四人比黃門侍郎給事羽林郎一人比羽林將虎賁官騎下

中宮署令一人六百石本注曰官者主中

宮請署天子數女騎六人丞復道丞各一

人本注曰官者復道丞主中閣道

中宮藥長一人四白石本注曰官者

右屬大長秋本注曰承秦有詹事一

人位在長秋上亦官者主中諸官成

帝省之以其職并長秋是後皇后當

法駕出則中謁中官者職吏權兼詹

事奏引訖罷官者誅後尚書選兼職

吏一人奉引云其中長信長樂宮者

置少府一人職如長秋及餘吏皆以

宮名為號負數秩次如中宮

長樂五官史朱瑀之

類是也

本注曰帝祖母稱長信宮故有

長信少府長樂少府位在長秋上及

職吏皆官者秩次如中宮長樂又有

衛尉僕為太僕皆二千石在少府上

丁孚漢儀曰丞六百石

其崩則省不常置

太子少傅二千石本注曰亦以輔導為職

悉主太子官屬

漢官曰負吏十二人

太子率更令一人千石本注曰主庶子舍

人更直職似光祿

太子庶子四百石本注曰無負如三署中

郎

太子舍人二百石本注曰無負更直宿衛

如三署郎中

漢官曰十三人選良家子孫

太子家令一人千石本注曰主倉穀飲食

職似司農少府

太子倉令一人六百石本注曰主倉穀

太子食官令一人六百石本注曰主飲食

太子僕一人千石本注曰主車馬職如太僕

太子廩長一人四百石本注曰主車馬

太子門大夫六百石

漢官曰門大夫二人選四府掾屬

本注曰

舊注云職比郎將舊有左右戶將別主左右戶直郎建武以來省之

太子中庶子六百石本注曰負五人職如

侍中

太子洗馬比六百石本注曰舊注云負十

六人職如謁者太子出則當直者在前導

威儀

漢官曰選郎中補也

太子中盾一人四百石本注曰主周衛徼循

太子衛率一人四百石本注曰主門衛士

右屬太子少傅本注曰凡初即位未

有太子官屬皆罷唯舍人不省領屬

少府

將作大匠一人二千石

蔡質漢儀曰位次河南尹光武中元二年省謁

者領之章帝建初元年復置

本注曰承秦曰將作少府景

帝改為將作大匠掌修作宗廟路寢宮室

陵園木土之功并樹桐梓之類列于道側

漢官篇曰樹栗漆梓桐胡廣曰古者列樹以表道並以為林囿四者皆木名治宮室并主之毛詩傳曰椅

梓屬也陸機草木疏曰梓實桐皮曰椅今民云梧桐是也梓今人所謂梓楸者是也丞一人

六百石

左校令一人六百石本注曰掌左工徒丞

一人安帝復也

右校令一人六百石本注曰掌右工徒丞

一人 安帝復也

右屬將作大匠

前書曰屬官又有左右中候右庫東園主章左右前

後中校七令丞成帝省

城門校尉一人比二千石本注曰掌雒陽

城門十二所

周禮司門千寶注曰如今校尉

司馬一人千石

本注曰主兵城門每門候一人

周禮每門下士二人千寶

曰如今門候

六百石

蔡質漢儀曰門候見校尉執板不拜

本注曰雒陽

城十二門其正南一門曰平城門

漢官秩曰平城門為

宮門不置候置屯司馬秩千石李尤銘曰平城司午厥位處中古今注曰建武十四年九月開平城門



北宮門屬衛尉其餘上西門應劭漢宮曰上西所以不純白

者漢家初成故丹鏤之李尤雍門銘曰雍門處中位在酉廣

陽門銘曰廣陽位在申津門銘曰津名自定位季月木小苑門

開陽門一柱來在樓上琅邪開陽縣上言縣南城

門一柱飛去光武皇帝使來識規悵然遂堅縛之耗

門銘曰耗門值中東門銘曰中東處仲月位當卯上東門

銘曰上東少穀門銘曰穀門北夏門銘曰夏門值孟位月

陽厥位在寅凡十二門蔡質漢儀曰雒陽二十四街

右屬城門校尉

北軍中候一人六百石本注曰掌監五營

漢官曰負吏七人候自得  
辟召通大鴻臚一人斗食

屯騎校尉一人比二千石本注曰掌宿衛

兵漢官曰負吏百二十  
八人領士七百人司馬一人千石蔡質漢  
儀曰五

營司馬見校  
尉執板不拜

越騎校尉一人比二千石如淳曰越人內附以  
為騎也晉灼曰取其

才力超越也案紀光武改青巾右校尉為越  
騎校尉臣昭曰越人非善騎所出晉灼為允本注

曰掌宿衛兵蔡質漢儀亦曰掌越騎漢官曰  
負吏百二十七人領士七百人司

馬一人千石

步兵校尉一人比二千石 初置掌上林苑門屯兵見前書本

注曰掌宿衛兵 漢官曰負吏七十人領士七百人 司馬一人

千石

長水校尉一人比二千石 如淳曰長水胡名也韋昭曰長水校尉典

胡騎廐近長水胡以為名長水蓋中小水名 本注曰掌宿衛兵 蔡質漢儀

曰主長水宜曲胡騎漢官曰負吏百五十七人烏桓胡騎七百三十六人 司馬胡騎司

馬各一人千石本注曰掌宿衛主烏桓騎

射聲校尉一人比二千石 服虔曰工射也冥寔中聞聲則射中之故

以為名 本注曰掌宿衛兵 蔡質漢儀曰掌待詔射聲士漢官曰負吏百二

十九人領  
士七百人

司馬一人千石

右屬北軍中候本注曰舊有中壘校尉領北軍營壘之事有胡騎虎賁校尉皆武帝置中興省中壘但置中候以監五營胡騎并長水虎賁主輕車并射聲

案大駕鹵簿五校在前各有鼓吹一部

凡中二千石丞比千石真二千石丞長史六百石比二千石丞比六百石今相千石丞尉四百石其六百石丞

尉三百石長相四百石及三百石丞

尉皆二百石諸侯公主家丞秩皆比

百石諸邊鄣塞尉諸陵校尉長皆二

百石有常例者不署秩

司隸校尉一人比二千石

蔡質漢儀曰職在典京師外部諸郡無所

不糾封侯外戚三公以下無尊卑入官開中道稱使者每會後到先去

本注曰孝武

帝初置

荀綽晉百官表注曰司隸校尉周官也征和中陽石公主巫蠱之獄起乃依周置司

隸目昭曰周無司隸豈即司寇乎

持節掌察舉百官以下及

京師近郡犯法者

前書曰置從中都官徒千二百人捕巫蠱督大姦猾後罷

其元帝去節成帝省建武中復置并領一

州蔡質漢儀曰司隸詣臺廷議處九卿上朝賀處公卿下陪卿上初除謁大將軍三公通謁持板揖公

儀朝賀無敬臺召入宮對見尚書持板朝賀揖從事史十二人本注曰

都官從事主察舉百官犯法者蔡質漢儀曰都官主雒陽

百官朝會與三府掾同博物記曰中興以來都官從事多出之河內培擊貴戚功曹從事

主州選署及眾事別駕從事校尉行部則

奉引錄眾事簿曹從事主財穀簿書其有

軍事則置兵曹從事主兵事其餘部郡國

從事每郡國各一人主督促文書察舉非

法皆州自辟除故通爲百石云假佐二十  
五人本注曰主簿錄閣下事省文書門亭  
長主州正門功曹書佐主選用孝經師主  
監試經月令師主時節祠祀律令師主平  
法律簿曹書佐主簿書其餘都官書佐及  
每郡國各有典郡書佐一人各主一郡文  
書以郡吏補歲滿一更司隸所部郡七  
河南尹一人主京都特奉朝請其京兆尹  
左馮翊右扶風三人漢初都長安皆秩中

二千石謂之三輔中興都雒陽更以河南  
郡爲尹以三輔陵廟所在不改其號但減  
其秩其餘弘農河內河東三郡其置尹焉  
翊扶風及太守丞奉之本位在地理志

後漢書志第二十七



後漢書志第二十八

百官五

劉昭

注補

州郡

縣鄉

亭里

匈奴中郎將

烏桓校尉

護羌校尉 王國

宋衛國

列侯

關內侯

四夷國

百官奉

外十二州每州刺史一人六百石本注曰

秦有監御史監諸郡漢興省之但遣丞相

史分刺諸州無常官孝武帝初置刺史十

三人秩六百石

古今注曰常以春分行部郡國各遣一吏迎界上諸書不同也

成

帝更爲牧秩二千石建武十八年復爲刺

史十二人各主一州其一州屬司隸校尉

蔡質漢儀曰詔書舊典刺史班宣周行郡國省察治政黜陟能否斷理冤獄以六條問事非條所問即不省一條強宗豪右田宅踰制以強陵弱以衆暴寡二條二千石不奉詔書遵承典制倍公向私旁詔守利侵漁百姓聚斂爲姦三條二千石不卹疑獄風厲殺人怒則任刑喜則任賞煩擾苛暴剝戮黎元爲百姓所疾山崩石裂妖祥訛言四條二千石選署不平苟阿所愛蔽賢寵頹五條二千石子弟怙恃榮勢請託所監六條二千石違公下比阿附豪強通行貨賂割損政令諸州刺史初除此諸持板揖不拜獻帝起居

注曰建安十八年三月庚寅省州并郡復禹貢之九州冀州得魏郡安平鉅鹿河間清河博陵常山趙國勃海甘陵平原太原上黨西河定襄鴈門雲中五原朔方河東河內涿郡漁陽廣陽右北平上谷代郡遼東遼東屬國遼西玄菟樂浪凡三十二郡省司隸校尉以司隸部分屬豫州冀州雍州省涼州刺史以并雍州部郡得弘農京兆左馮翊右扶風上郡安定隴西漢陽北地武都武威金城西平西郡張掖張掖屬國酒泉敦煌西海漢興永陽東安南凡二十二郡省交州以其郡屬荊州荊州得交州之蒼梧南海九真交趾日南與其舊所部南陽章陵南郡江夏武陵長沙零陵桂陽凡十三益州本部郡有廣漢漢中巴郡捷爲蜀郡牂牁越雋益州永昌犍爲屬國蜀郡屬國廣漢屬國今并得交州之鬱林合浦凡十四豫州部郡本有潁川陳國汝南沛國梁國魯國今并得河南滎陽都尉凡八郡徐州部郡得下邳廣陵彭城東海琅邪利城城陽東萊凡八郡青州得齊國北海東萊濟南樂安凡五郡獻帝春秋曰孫權以步騭行交州

刺史東觀書曰諸州常以八月巡行所部郡

交趾刺史持節胡廣注曰巡謂驛馬也縣次錄囚徒胡廣曰

徒皆閱錄視參考辭狀實其胡廣曰課第考殿最長吏不稱職

者為殿舉免之其有治能者為最察上尤初歲盡

異州又狀州中吏民茂才異等歲舉一人胡廣曰所察有條應繩異者輒覆問

詣京都奏事胡廣曰所察有條應繩異者輒覆問師名奏事差其遠近各有常會中興但因計吏胡廣曰不復自

皆如舊典東觀書曰和帝初張酺上言臣聞王者法天災惑奏事太微故州牧刺史入奏事所以通下問

知外事也數十年以來重其道歸煩撓故時止勿奏事今因以為故事且愚以為刺史視事滿歲可令奏

事如舊典問州中風俗恐好惡過所道事所聞見考課眾職下章所告及所自舉有意者賞異之其尤無

狀逆詔書行罪法異勅戒其餘令各敬慎所職於以  
衰滅貪邪便佞韓詩外傳曰王者必立牧方三人所  
以使闕遠牧衆也遠方之民有飢寒而不得衣食獄  
訟而寃失職賢而不舉者入告天子天子於其君之  
朝也揖而進之曰意朕之政教有不得爾者邪如何  
乃有飢寒而不得衣食獄訟而寃失職賢而不舉然  
後其君退而與其卿大夫謀之遠方之民聞皆曰誠  
天子也夫我居之辟見我之近也我居之幽見我之  
明也可欺乎哉可欺乎哉故牧者所以開四目通四聰皆有從事史假佐

本注曰負職略與司隸同無都官從事其  
功曹從事為治中從事豫州部郡國六翼  
州部九兗州部八徐州部五青州部六荆  
州部七揚州部六益州部十二涼州部十

後漢書卷三十九  
二并州部九幽州部十一交州部七凡九

十八其二十七王國相其七十一郡太守

其屬國都尉屬國分郡離遠縣置之如郡

差小置本郡名世祖并省郡縣四百餘所

後世稍復增之臣昭曰昔在先代列爵殊等九服不同畿荒制異雖連帥相司

牧伯分長而封疆置限兼庸有數如身之使辭手之使指故能高卑相固遠近維緝羣后克穆共康兆庶

爰及周衰稍競吞廣邦國侵爭遽懷貪略猶歷數百年乃能成其并一豈非樹之有本使其然乎秦兼天

下開設郡縣孤立獨王即以顛亡漢祖因循雖不狃革分置子弟終龕諸呂之難漸剖列郡以減大都之

權後嚴安之徒猶忼慨發憤謂千里之威即古之強國慮非安本無窮之計也孝武之末始置刺史監糾

非法不過六條傳車周流匪有定鎮秩裁數百威望  
輕寡得有察舉之勤未生陵犯之釁成帝改牧其萌  
始大既非識治之主故無取焉爾世祖中興監乎政  
本復約其職還遵舊制斷親奏事省入惜煩漸得自  
重之路因茲以降彌於歲年母后當朝多以弱守六  
合危動四海潰弊財盡力竭綱維撓毀而八方不能  
內侵諸侯莫敢入伐豈非幹強枝弱控制素重之所  
致乎至孝靈在位橫流既及劉焉徼僞自爲身謀非  
有憂國之心專懷狼據之策抗論昏世薦議愚主盛  
稱宜重牧伯謂足鎮壓萬里挾茲樹筭苟罔一時豈  
可永爲國本長期勝術哉夫聖王御世莫不大庇生  
民承其休謀傳其典制猶云事久弊生無或通貫故  
變改正服革異質文分爵三五參差不一況在賢駮  
之君挾茲詐之臣共所創置焉可仍因大建尊州之  
規竟無一日之治故焉牧益土造帝服於岷峨素紹  
取冀下制書於燕胡劉表荆南郊天祀地魏祖據充  
遂<sup>今上</sup>皇業漢之殄滅禍源乎此及臻後代任寄彌廣  
委之邦宰之命授之斧鉞之重假之都督之威開之

征討之略晉太康之初武帝亦疑其然乃詔曰上古  
及中代或置州牧或置刺史置監御史皆摠綱紀而  
不賦政治民之聘任之諸侯郡守昔漢末四海分崩  
因以吳蜀自擅自是刺史內親民事外領兵馬此一  
時之宜爾今賴宗廟之靈士大夫之力江表平定天  
下合之爲一當韜戢干戈與天下休息諸州無事者  
罷其兵刺史分職皆如漢氏故事出頒詔條入奏事  
京城二千石專治民之重監司清峻於上此經久之  
體也其便省州牧晉武帝又見其弊矣雖有其言不  
卒其事後嗣續繼牧鎮愈重據地分爭竟覆天下昔  
王畿之大不過千里州之所司廣袤兼遠爭強虎視  
之辰遷鼎革終之日未嘗不藉蕃兵之權挾董司之  
力逼迫伺隙陵奪冲幼其甚者臣主揚兵骨肉戰野  
昆弟梟懸伯叔屠裂末壯披心尾大不掉旣用此始  
亦病以終傾軻愈襲莫或途改致維京有銜壁之痛  
秦臺有不守之酷胡羌遞興氏鮮更起摩滅羣黎流  
禍百世堅冰所漸兼綠茲蠹嗚呼後之聖王必不父  
滯斯迹靈長之終當有神筭不然則雄捍反拒之事



懼甚於此心憑強作凡州所監都為京都置尹

一人二千石丞一人每郡置太守一人二

千石丞一人郡當邊戍者丞為長史古今注曰建武

六年三月令郡太守諸侯相病丞長史行事十四年罷邊郡太守丞長史領丞職王國之

相亦如之每屬國置都尉一人比二千石

丞一人本注曰凡郡國皆掌治民進賢勸

功決訟檢姦常以春行所主縣勸民農桑

振救乏絕秋冬遣無害吏案訊諸囚平其

罪法論課殿最案律有無害都吏如今言公平

史漢書音義曰文無所枉害蕭

何以文無害  
為沛主吏掾

歲盡遣吏上計

盧植禮注曰計斷  
九月因秦以十月

為正

故并舉孝廉郡口二十萬舉一人典兵

禁備盜賊景帝更名都尉武帝又置三輔

都尉各一人譏出入邊郡置農都尉主屯

田殖穀又置屬國都尉主蠻夷降者中興

建武六年省諸郡都尉并職太守無都試

之役

古今注曰六年八月省都尉官應劭曰  
每有劇職郡臨時置都尉事訖罷之

省關

都尉唯邊郡往往置都尉及屬國都尉稍

有分縣治民比郡安帝以羌犯法三輔有

陵園之守乃復置右扶風都尉京兆虎牙

都尉應劭漢官曰蓋天生五材民並用之廢一不

木為矢弧矢之利以威天下春秋三時務農一時講

武詩美公劉匪居匪康入耕出戰乃裹糒糧于戈載

錫四方莫當自郡國罷材官騎士之後官無警備實

啓寇心一方有難三面救之發興雷震煙蒸電激一

切取辨黔首囂然不及講其射御用其戒誓一旦驅

之以即強敵猶鳩鵠捕鷹鷂豚羊弋豺虎是以每戰

常負王旅不振張角懷挾妖偽遐邇搖蕩八州並發  
煙炎絳天牧守梟裂流血成川爾乃遠徭三邊殊俗  
之兵非我族類忿鷙縱橫多僵良善以為己功財貨  
糞土哀夫民氓遷流之咎見出在茲不教而戰是謂  
棄之跡其禍敗豈虛也哉春秋家不藏甲所以一國  
威抑私力也今雖四海殘壞王命未洽可折衝壓難  
若拍於掌故  
比置諸曹掾史  
新論曰王莽時置  
置右扶風  
西海郡令其吏皆

百石親事一曰為四  
百石二歲而遷補

本注曰諸曹略如公府曹

無東西曹

蔡質漢儀曰河南府掾出考案與從事同

有功曹史主

選署功勞有五官掾署功曹及諸曹事其

監屬縣有五部督郵曹掾一人正門有亭

長一人主記室史主錄記書催期會無令

史閣下及諸曹各有書佐幹主文書

漢官曰河南尹

負吏九百二十七人十二人百石諸縣有秩三十五人官屬掾史五人四部督郵史部掾二十六人案獄

仁恕三人監津渠漕水掾二十五人百石卒吏二百五十人文學守助掾六十人書佐五十人循行二百

三十人幹小史二百三十一人

屬官每縣邑道大者置令一

人千石其次置長四百石小者置長三百

石侯國之相秩次亦如之

應劭漢官曰前書百官表云萬戶以上為

令萬戶以下為長三邊始孝武皇帝所開縣戶數百而或為令荆揚江南七郡唯有臨湘南昌吳三令爾及南陽穰中土沃民稠四五萬戶而為長桓帝時以江南陽安為女公主邑改號為令主薨復復其故若此為繫其本俗說令長以水土為之及秩高下皆無明文班固通儒述一代之書斯近其真

**本注**

曰皆掌治民顯善勸義禁姦罰惡理訟平

賊恤民時務秋冬集課上計於所屬郡國

胡廣曰秋冬歲盡各計縣戶口墾田錢穀入出盜賊多少上其集簿丞尉以下歲詣郡課校其功功多尤為最者於廷尉勞勉之以勸其後負多尤為殿者於後曹別責以糾怠慢也諸對辭窮尤困收主者掾史

關白太守使取法丞尉縛責以明下轉相督勅為民除害也明帝詔書不得僇辱黃綬以別小人吏也

凡縣主蠻夷曰道公主所食湯沐曰國縣

萬戶以上為令不滿為長侯國為相皆秦

制也

史記秦併天下夷郡縣鑄兵刃示不復用

丞各一人尉大縣

二人小縣一人本注曰丞署文書典知倉

獄尉主盜賊凡有賊發主名不立則推索

行尋案察姦宄以起端緒

應劭漢官曰大縣丞左右尉所謂命

卿三人小縣一尉一丞命卿二人

各署諸曹掾史本注曰諸

曹略如郡負五官為廷掾監鄉五部春夏

為勸農掾秋冬為制度掾

漢官曰雒陽令秩千石丞三人四百

石孝廉左尉四百石孝廉右尉四百石負吏七百九十六人十三人四百石鄉有秩獄史五十六人佐史

鄉佐七十七人斗食令史嗇夫假五十人官掾史幹小史二百五十人書佐九十人循行二百六十人

鄉置有秩三老游徼本注曰有秩郡所署

秩百石

漢官曰鄉戶五千則置有秩

掌一鄉人

風俗通曰秩則田間大夫

言其官裁有秩耳

其鄉小者縣置嗇夫一人

風俗通曰嗇者省也

夫賦也言消息百姓均其役賦

皆主知民善惡為役先後知

民貧富為賦多少平其差品三老掌教化

凡有孝子順孫貞女義婦讓財救患及學

士為民法式者皆扁表其門以興善行游

徼掌徼循禁司姦盜又有鄉佐屬鄉主民

收賦稅風俗通曰國家制度大率十里一鄉亭有亭長以禁盜

賊本注曰亭長主求捕盜賊承望都尉漢官

儀曰民年二十三為正一歲以為衛士一歲為村官

騎士習射御騎馳戰陣八月太守都尉令長相丞尉

會都試課殿最水家為樓船亦習戰射行船過郡太

守各將萬騎行障塞烽火追虜置長史一人丞一人

治兵民當兵行長領置部尉千人司馬候農都尉皆

不治民不給衛士村官樓船年五十六老衰乃得免

為民就田應合選為亭長亭長課徼巡尉游徼亭長

皆習設備五兵五兵弓弩戟楯刀劍甲鎧鼓吏赤幘

行滕帶劍佩刀持楯被甲設矛戟習射設十里一亭

亭長亭候五里一郵郵間相去二里半司姦盜亭長



持二尺板以劾賊索繩以收執賊風俗通曰漢家因秦大率十里一亭亭留也蓋行旅宿會之所館亭吏舊名負弩改爲長或謂亭父里有里魁民有什伍善惡以

告本注曰里魁掌一里百家什主十家伍

主五家以相檢察民有善事惡事以告監

官風俗通曰周禮五家爲鄰四鄰爲里里者止也里里有司司五十家共居止同事舊欣通其所也

邊縣有障塞尉本注曰掌禁備羌夷犯塞

太公陰符曰武王問太公願聞治亂之要太公曰其本在吏武王曰吏者治也所以爲治其亂者何太公曰故吏重罪有十武王問吏之重罪太公曰一吏苛刻二吏不平三吏貪汚四吏以威力迫脅於民五吏與史合姦六吏與人亡情七吏作盜賊使人爲耳目八吏賤買賣貴於民九吏增易於民十吏振懼於民

夫治者有三罪則國亂而民愁盡有之則民流亡而君失其國武王曰民亦有罪乎太公曰民有十大於此除者則國治而民安武王曰十大何如太公曰民勝吏厚大臣一大也民宗強侵陵羣下二大也民甚富傾國家三大也民尊親其君天下歸慕四大也衆暴寡五大也民有百里之譽千里之交六大也民以吏威爲權七大也恩行於吏八大也民服信以少爲多奪人田宅贅人妻子九大也民之基業畜產爲人所苦十大也所謂一家害一里一里害諸侯諸侯害天下武王曰絕吏之罪塞民之大奈何太公曰察民之暴吏明其賞審其誅則吏不敢犯罪民不敢大也武王曰是民吏相伺上下不和而結其讎太公曰爲君守成爲吏守職爲民守事如此各居其道則國治國治則都治都治則里治里治則家治家治則善惡分明善惡分明則國無事國無事則吏民外不懷怨內不微事

其郡有鹽官鐵

官工官都水官者隨事廣狹置令長及丞

秩次皆如縣道無分士給均本吏本注曰

凡郡縣出鹽多者置鹽官主鹽稅出鐵多

者置鐵官主鼓鑄

胡廣曰鹽官掎坑而得鹽或有鑿井煮海水而以得之者

鑄銅為器械當鑄冶之時扇熾其火謂之鼓鑄

有工多者置工官主工

稅物有水池及魚利多者置水官主平水

收漁稅在所諸縣均差吏更給之置吏隨

事不具縣負

使匈奴中郎將一人比二千石本注曰主

護南單于置從事二人有事隨事增之掾

隨事為負護羌烏栢校尉所置亦然應劭漢官

曰擁節屯中步南設官府掾吏單于歲遣侍子來朝謁者常送迎焉得賂弓馬氈罽他物百餘萬謁者事

訖還具表付帑藏詔書刺自受

護烏栢校尉一人比二千石本注曰主烏

栢胡應劭漢官曰擁節長史一人司馬二人皆六百石并領鮮卑客賜質子歲時胡市焉晉書

曰漢置東夷校尉以撫鮮卑

護羌校尉一人比二千石本注曰主西羌

應劭漢官曰擁節長史司馬二人皆六百石

皇子封王其郡為國每置傅一人相一人

皆二千石本注曰傳主導王以善禮如師  
不臣也相如太守有長史如郡丞漢初立  
諸王因項羽所立諸王之制地既廣大且  
至千里又其官職傅爲太傅相爲丞相又  
有御史大夫及諸卿皆秩二千石百官皆  
如朝廷國家唯爲置丞相其御史大夫以  
下皆自置之

胡廣曰後漢妾數無限別乃制設正  
適曰妃取小夫人不得過四十人

至景帝時吳楚七國恃其國大遂以作亂  
幾危漢室及其誅滅景帝懲之遂令諸王

不得治民今內史主治民改丞相曰相省

御史大夫廷尉少府宗正博士官武帝改

漢內史中尉郎中令之名前書曰改漢內史為京兆尹中尉為執金

吾郎中今為光祿勳而王國如故負職皆朝廷為署不

得自置至漢成帝省內史治民更令相治

民漢舊儀曰大司空何武奏罷內史相如太守中尉如都尉參職是後中尉爭權與王相奏常不

和太傅但曰傅目昭曰觀夫高祖之創業也豈直鴻勳碩德大庇羣生蕩其毒虐厝

之和泰而已哉至於謀深慮久封建子弟蕃維盤固規謀弘遠及於三趙不終燕靈天絕齊代淮楚皆為

外重故宋昌曰外畏齊楚淮南斯非效與事過則弊孰或通之全國之難誠固財物之富作衛之益亦既

得之於前矣故賜以几杖用息茲謀嗣墮局下怨生  
有以逮連師措亂兵交梁闕禦侮摧寇肇自密戚景  
帝遂削蕃國之權刻骨肉之援封爲君而不聽治其  
民置爲主而稍賤其目矯枉過甚遂臻于此呂霍之  
危朝后族愈貴於來寵吳楚之叛奔侯王恒借以受  
誚故賈誼欲衆建以少其力列虛以戾其生此乃達  
觀深識監于親陪之要者也冢嗣必傳萬里之地分  
支欲使動搖不得於經維遠筭且已礙矣復哀平之  
際劉氏徧於四海宗正著錄遂以萬數及乎後漢彌  
循前迹光武十子並列畿外近郡孝明八國不能開  
庇遠民國近則不可以大不大則不足爲強此所以  
本枝之援終以少固若使漢分兩越置二三親國剖  
吳楚樹數四列蕃割遼海而分皇枝開隴蜀而王子  
弟使主尊顯依漢初之貴民無定限許滋養之富若  
有昏虐之嗣可得廢而不得削必傳劉氏民信所奉  
發其侵伐兼并之釁峻其他族篡殺之科制其入貢  
輕重之法疏其來朝往復之數君君目目永許百世  
之期一國之民長無遷動之志四方得志聽離官列

封懷賢抱智隨所適樂土強弱相侔遠近相推舉其  
大歸略其小滯與其畫一班之海內天子之朝自非  
異姓僭奪不得興勤王之師諸蕃國自非雜互篡主  
不降討伐之詔犬牙相經共爲嚴國雖王莽善盜將  
何因而敢竊曹操雄勇亦安能以得士斯無俟極聖  
然克行明賢粗識亦足立故父子首足也昆弟四支  
也當使筋骨髓血動靜足以相勝長短大小幹用足  
以相衛豈有割脛致腹取骨肉以增頭剗背露骨剥  
膏腴以裨頷而謂顛顛魁岸可得比壽松晉喉咽擁  
腫必能長生久視哉漢氏得之微猶能四百載魏人  
失之甚不滿數十年爰自晉世矯枉太過入列皇朝  
非簡賢之授唯親是貴無愚智之辨不能勝衣冠早  
據公相之尊童蒙幼子盡登槐嶽之位職應論道而  
未離保母之養續侯賦政而服二三尺衣英賢大度  
稟彼昏稚高才碩儒恭承藐識公餽覆而不憂美錦  
碎而愈截兼授若流迴遷競路才驚任重功渺費多  
曉比名於公旦夕同罪於盜跖衷穉無位可以充德  
貶退刑輟不足以塞咎或力強濟聲實隆重嫌猜畏



通身受其弊覆滅分體若梟仇寇齧粉同氣有過他  
逆忠貞之士橫羅其凶志節之人狼狽其禍闕伯實  
沈繼踵史筆顯思顯甫比有國書趙倫以蠢愚排天  
齊攸以賢明謝世枉鬱殄夷寃孫就盡不可勝載矣  
豈周漢之君多孝悌之性晉宋之主稟豺狼之情蓋  
事勢使之然也朝行斯術夕窮崩亂未能革悛來事  
愈甚蒼生為此將盡矣四海為此構蹙矣聖帝英君  
欲反斯敗必當更開同姓之國置不增之約罷皇脩  
入宮之禍守盟牲礪河之篤乃可  
還嶮墜之路反乎全安之轍也

中尉一人比二

千石本注曰職如郡都尉主盜賊

東觀書曰其紹封削

糾者中尉內史官屬亦以率減郎中令一人僕一人皆千石

本注曰郎中令掌王大夫郎中宿衛官如

光祿勳自省少府職皆并焉僕主車及馭

如太僕本注曰太僕比二千石武帝改但  
曰僕又皆減其秩治書比六百石本注曰  
治書本尚書更名大夫比六百石本注曰  
無負掌奉王使至京都奉璧賀正月及使  
諸國本皆持節後去節謁者比四百石本  
注曰掌冠長冠本負十六人後減禮樂長  
本注曰主樂人衛士長本注曰主衛士醫  
工長本注曰主醫藥永巷長本注曰官者  
主宮中婢使祠祀長本注曰主祠祀皆比

四百石自禮樂長至此皆四百石郎中二百石本注曰無

負

衛公宋公本注曰建武二年封周後姬常

為周承休公五年封殷後孔安為殷紹嘉

公十三年改常為衛公安為宋公以為漢

賓在三公上五經通義二王之後不考功有誅無絕鄭玄曰王者存二代而封及五郊

天用天子禮以祭其始祖行其正朔此謂通三統也三恪者敬其先聖封其後而已無殊異者也

列侯所食縣為侯國本注曰承秦爵二十

等為徹侯金印紫綬以賞有功功大者食

縣小者食鄉亭得臣其所食吏民後避武帝諱爲列侯武帝元朔二年令諸王得推恩分衆子土國家爲封亦爲列侯舊列侯奉朝請在長安者位次三公中興以來唯

以功德賜位特進者次車騎將軍

胡廣漢制度曰功德

優盛朝廷所尚異者賜特進在三公下不在車騎下

賜位朝侯次五校尉

賜位侍祠侯次大夫其餘以胙附及公主子孫奉墳墓於京都者亦隨時見會位在

博士議郎下

胡廣制度曰是爲猥諸侯

諸王封者受茅土

歸以立社稷禮也

胡廣曰諸王受封皆受茅土歸立社稷本朝爲宮室自有

制度至於列侯歸國者不受茅土不立宮室各隨貧富裁制祭庶以守其寵

列土特進

朝侯賀正月執璧云每國置相一人其秩各如本縣本注曰主治民如今長不臣也但納租于侯以戶數爲限其家臣置家丞庶子各一人本注曰主侍侯使理家事列侯舊有行人洗馬門大夫凡五官中興以來食邑千戶已上置家丞庶子各一人不滿千戶不置家丞又悉省行人洗馬門大

夫

關內侯

如淳曰列侯出關就國侯但爵身其有家累者與之關內之邑食其租稅也古今注

曰建武六年初令關內侯食邑者俸月二十五斛

承秦賜爵十九等為

關內侯無土寄食在所縣民租多少各有

戶數為限

荀綽晉百官表注曰時六國未平將帥皆家關中故以為號劉劭爵制曰春秋

傳有庶長鮑商君為政備其法品為十八級合關內侯列侯凡二十等其制因古義古者天子寄軍政於

六卿居則以田警則以戰所謂入使治之出使長之素信者與眾相得也故啓伐有扈乃召六卿大夫之

在軍為將者也及周之六卿亦以居軍在國也則以比長閭胥族師黨正州長鄉大夫為稱其在軍也則

以卒伍司馬將軍為號所以異在國之名也秦依古制其在軍賜爵為等級其帥人皆更卒也有功賜爵

則在軍吏之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也關內侯者依古圻內子男之義也秦都山西以關內爲王畿故曰關內侯也列侯者依古列國諸侯之義也然則卿大夫士下之品皆放古比朝之制而異其名亦所以殊軍國也古者以車戰兵車一乘步卒七十二人分翼左右車大夫在左御者處中勇士居右凡七十五人一爵曰公士者步卒之有爵爲公士者二爵曰上造造成也古者成士升於司徒曰造士雖依此名皆步卒也三爵曰簪褭御駟馬者要褭古之名馬也駕駟馬者其形似簪故曰簪褭也四爵曰不更不更者爲車右不復與凡更卒同也五爵曰大夫大夫者在車左者也六爵爲官大夫七爵爲公大夫八爵爲公乘九爵爲五大夫皆軍吏也吏民爵不得過公乘者得賞與子若同產然則公乘者軍吏之爵最高者也雖非臨戰得公卒車故曰公乘也十爵爲左庶長十一爵爲右庶長十二爵爲左更十三爵爲中更十四

爵為右更十五爵為少上造十六爵為大上造十七爵為駟車庶長十八爵為大庶長十九爵為關內侯二十爵為列侯自左庶長已上至大庶長皆卿大夫皆軍將也所將皆庶人更卒也故以庶更為名大庶長即大將軍也左右庶長即左右偏裨將軍也古今注曰成帝鴻嘉三年令吏民得買爵級千錢

四夷國王率眾王歸義侯邑君邑長皆有

丞比郡縣

百官受奉例

古今注曰建武二十六年四月戊戌增吏奉如此志例以明也

大將

軍三公奉月三百五十斛中二千石奉月

百八十斛二千石奉月百二十斛比二千

石奉月百斛千石奉月八十斛六百石奉



月七十斛比六百石奉月五十斛四百石  
奉月四十五斛比四百石奉月四十斛三  
百石奉月四十斛比三百石奉月三十七  
斛二百石奉月三十斛比二百石奉月二  
十七斛一百石奉月十六斛斗食奉月十

一斛

漢書音義曰斗食  
祿日以斗為計

佐史奉月八斛

古今注曰

永和三年初與河南尹及雒陽負吏四百二十七人  
奉月四十五斛目昭曰此言豈其妄乎若人人奉四  
十五斛則四百石秩為太優而無品  
若共進奉者人不過一斗亦非義理凡諸受奉皆

半錢半穀

荀綽晉百官表注曰漢延平中中二  
千石奉錢九千米七十二斛真二千

石月錢六千五百米三十六斛比二千石月錢五千  
米三十四斛一千石月錢四千米三十斛六百石月  
錢三千五百米二十一斛四百石月錢二千五百米  
十五斛三百石月錢二千米十二斛二百石月錢一  
千米九斛百石月錢八百米四斛八斗獻帝起居注  
曰帝在長安詔書以三輔地不滿千里而軍師用度  
非一公卿已下不得奏除其若公田  
以秩石爲率賦輿令各自收其租稅

贊曰帝道淵默冢帥修德寡以御衆分職  
乃克不置不監無驕無忒程是師徒寧民  
康國

後漢書志第二十八

後漢書志第二十九 輿服上

劉 昭 注補

玉輅 乘輿 金根

安車 立車 耕車

戎車 獵車 駟車

青蓋車 綠車 皂蓋車

夫人安車 大駕 法駕

小駕 輕車 大使車

小使車 載車 道守從卒

車馬飾

書曰明試以功

孔安國曰效試其居國為政以差其功

車服以庸

孔安國曰賜以車服以旌其德用所任也又一通諸侯四朝各使陳進治化之言明試其言以要其功功成則錫車服以表顯其能用言昔者聖人興天下之大利

除天下之大害躬親其事身履其勤憂之勞之不避寒暑使天下之民物各得安其性命無天昏暴陵之災是以天下之民敬而愛之若親父母則而養之若仰日月夫愛之者欲其長久小憚力役相與起作宮

室上棟下宇以雍覆之欲其長久也敬之者欲其尊嚴不憚勞煩相與起作輿輪旌旗章表以尊嚴之斯愛之至敬之極也苟心愛敬雖報之至情由未盡或殺身以爲之盡其情也奕世以祀之明其功也是以流光與天地比長後世聖人知恤民之憂思深大者必饗其樂勤仁毓物使不夭折者必受其福故爲之制禮以節之使夫上仁繼天統物不伐其功民物安逸若道自

然莫知所謝老子曰聖人不仁以百姓爲  
芻狗此之謂也夫禮服之興也所以報功  
章德尊仁尚賢故禮尊貴貴不得相踰所  
以爲禮也非其人不得服其服所以順禮  
也順則上下有序德薄者退德盛者縟故  
聖人處乎天子之位服玉藻邃延日月升  
龍山車金根飾黃屋左纛所以副其德章  
其功也賢仁佐聖封國愛民黼黻文繡降  
龍路車所以顯其仁光其能也及其季末

聖人不得其位賢者隱伏是以天子微弱

諸侯脅矣於此相貴以等相讎以貨相賂

以利天下之禮亂矣至周夷王下堂而迎

諸侯此天子失禮微弱之始也自是諸侯

宮縣樂食祭以白牡擊玉磬朱干設錫冕

而儻大武鄭玄注禮記曰此皆天子之禮也宮縣

萬舞也白牡大路躬天子之禮也白牡躬牲大夫臺門旅樹反坫繡

黼丹朱中衣鏤筮朱紘此大夫之儻諸侯

禮也鄭玄曰此皆諸侯之禮也旅道也屏謂之樹

樹所以蔽行道管氏樹塞門塞猶蔽也禮天

子外屏諸侯內屏大夫以簾士以帷反坫反爵之坫也蓋在樽南兩君相見主君既獻於反爵焉繡黼丹朱以爲中衣領緣也繡讀爲綃綃繒名也詩云素衣朱綃又曰素衣朱褰褰黼領也鏤簋謂刻而飾之也大夫刻之爲龜耳諸侯飾以象天子飾以玉朱紘天子冕之紘也諸侯青組大夫士當緇組紘纁纁邊詩

刺彼己之子不稱其服傷其敗化易譏負且乘致寇至言小人乘君子器盜思奪之矣自是禮制大亂兵革並作上下無法諸侯陪臣山濠藻梲降及戰國奢僭益熾削滅禮籍蓋惡有害己之語競修奇麗之服飾其輿馬文罽玉纓象鑣金鞞以相夸上



爭錐刀之利殺人若刈草然其宗祀亦旋  
夷滅榮利在己雖死不悔及秦并天下攬  
其輿服上選以供御其次以錫百官漢興  
文學既缺時亦草創承秦之制後稍改定  
參稽六經近於雅正孔子曰其或繼周者  
行夏之正乘殷之輅服周之冕樂則韶舞  
故撰輿服著之于篇以觀古今損益之義  
云上古聖人見轉蓬始知爲輪輪行可載  
因物知生復爲之輿輿輪相乘流運固極

任重致遠天下獲其利後世聖人觀於天

視斗周旋魁方杓曲春秋緯曰璣光第一至第四為魁第五至第七為杓

合為以攜龍角為帝車於是迺曲其輶乘

牛駕馬登險赴難周覽八極故易震乘乾

謂之大壯言器莫能有上之者也孝經援神契曰斗曲

杓撓象成車房為龍馬華蓋覆鉤天理入魁神不獨居故驂駕陪乘以道跡躡宋均注曰房星既體蒼龍

又象駕駟馬故兼言之也覆鉤既覆且自是以來

世加其飾至奚仲為夏車正建其旂旋尊

卑上下各有等級世本云奚仲始作車古史考曰黃帝作車引重致遠其後

少昊時駕牛禹時奚仲駕馬臣昭案服牛乘馬以利天下其所起遠矣豈奚仲為始世本之誤史考所說

是也周室大備官有六職百工與居一焉周禮曰審

曲面勢以飭五材以辨民器謂之百工一器而羣工致巧者車最

多是故具物以時六材皆良鄭玄曰取幹以冬取角以秋絲

漆以夏筋膠未聞自此至弧旌枉矢皆出周禮鄭玄曰即是周禮注輿方法地蓋圓

象天三十輻以象日月鄭玄曰輪象日月者以其運行也日月三十日

而合宿蓋弓二十八以象列星龍旂九旂七

仞齊軫鄭玄曰軫謂車後橫木以象大火鄭玄曰交龍為旂諸侯之所建

也大火蒼龍宿之心其屬有尾尾九星鳥旗七旂五仞齊較鄭玄曰較

六百七十三百七十一後漢書卷三十九

者車高以象鶉火鄭玄曰鳥隼為旗州里之所建  
檻木也鶉火朱鳥宿之柳其屬有七星

熊旗六旂五仞齊肩以象參伐鄭玄曰熊虎  
為旗師都之

所建伐屬白虎宿與參連體而六星龜旒四旂四仞齊首以象

營室鄭玄曰龜蛇為旒縣鄙之所建營 弧旌枉

矢以象弧也鄭玄曰觀禮曰侯氏載龍旂弧韜

之幅有衣謂之韜又為設矢象弧星有矢也妖星有

枉矢者蛇行有尾因此云枉矢蓋畫之玄注禮含文

嘉曰蓋旗有九名日月為常交龍為旂通帛為旃雜

帛為物熊虎為旗鳥隼為旒龜蛇為旒奎羽為旒折  
羽為旌盧植注禮記曰有鈴曰旂干寶注周禮曰枉  
矢象妖星非其義也枉蓋應為枉直謂枉矢於弧  
此諸侯以下之所建者也白虎通曰居車中不  
內顧也仰即觀天俯

即察地前聞和鸞之聲旁見四方之運此車教之道  
論語曰升車必正立執綬車中不內顧所以有和鸞  
以正威儀節行舒疾也鸞者在衡和者在軾馬動則  
鸞鳴鸞鳴則和應其聲鳴曰和舒則不鳴疾則失  
音明得其和也故詩云和鸞雍雍萬福攸同魯訓曰  
和設軾者也鸞設衡者也許慎曰詩云八鸞鎗鎗則  
一馬二鸞也又曰輶車鸞鑣知非衡也毛詩傳曰在  
軾曰和在鑣曰鸞杜預注左傳亦云鸞在鑣和在衡  
傳玄乘輿馬賦注曰鸞在馬勒鑣干寶周禮注曰和  
鸞皆以金爲鈴史記曰前有錯衡所以養目也步中  
武象驟中韶護所以養耳也龍旂九旂所以養信也  
寢兕持虎鮫鞬彌龍所以養威也故大路之馬必信  
至教順然後乘**天子五路**周禮王之五路一曰玉  
之所以養安也

四曰革路五曰木路釋名曰天子所乘  
曰路路亦軍事也謂之路言行路也  
**以玉爲飾**

古文尚書曰大路在賓階面綴路在阼階面孔安國  
曰大路玉綴路金也服虔曰大路揔名也如今駕駟

高車矣尊卑俱乘之其采飾有差鄭玄曰王在馬曰路以玉飾諸末也傳玄乘輿馬賦注曰玉路重較也

韻集曰軛前橫木曰輅錫樊纓十有再就鄭玄曰錫面當盧刻金為之所

謂鏤錫也樊讀如輦帶之輦謂今馬大帶也鄭眾曰纓謂當冑士喪禮曰馬纓三就以削革為之三就三

重三币也鄭玄曰纓今馬鞅玉路之樊及纓皆以五采屬飾之十二就就成也杜預曰纓在馬膺前如索

常乘輿馬賦注曰繫纓飾以旄尾金塗十二重建太常十有二旂九仞

曳地鄭眾曰太常九旗之畫日月者鄭玄曰七尺為仞天子之旗高六丈三尺日月升

龍象天明也崔駰東巡頌曰登天靈之威路駕太一之象車夷王以

下周室衰弱諸侯大略秦并天下閱三代

之禮或曰殷瑞山車金根之色殷人以為大路於是始皇

作金根之車躬曰乘根秦改曰金根乘與馬賦注曰金根以金為飾漢承秦制御

為乘輿所謂孔子乘躬之路者也

乘輿 金根 安車 立車 蔡邕曰五安五立徐廣曰立乘

曰高車坐乘曰安車 輪皆朱班重牙 周禮曰牙也者以為固抱也鄭眾曰牙謂

輪輅也世間或謂之輶 貳轂兩轄 蔡邕曰轂外復有一轂抱轄其外乃復設轄抱

銅置其中東京賦曰重輪貳轄疏轂飛軫 金薄繆龍為輿倚較 徐廣

曰繆文錯之形也較在箱上說文曰櫪文畫蕃蕃箱也通俗文曰車箱為較 文虎伏軾

魏都賦注曰軾車橫覆滕人所馮上者也 龍首銜軛左右吉陽箭

鸞鳥雀立衡 徐廣曰置金 櫜文畫軛羽蓋華

蚤

徐廣曰翠羽蓋黃裏所謂黃屋車也金華施棟未  
有二十八枚即蓋弓也東京賦曰樹翠羽之

高蓋薛綜曰樹翠羽為蓋如雲龍矣金作華形莖皆低曲

建大旂十有二旂

畫日月升龍駕六馬

東京賦云六玄蚪之弈弈

象鑣鏤錫

金鍍方釳插翟尾

獨斷曰金鍍者馬冠也高廣各五寸七如三華形在馬髦

前方釳鐵也廣數寸在馬騮後後有三孔插翟尾其中薛綜曰釳中央兩頭高如山形而貫中翟尾結著之預延之幼結曰釳乘輿馬頭上防釳角所以防罔羅釳以翟尾鐵翻象之也徐廣曰金為馬又髦朱

兼樊纓赤鬪易昔金就十有二左毒縣以釐

牛尾為之在左駢馬軛上大如斗

徐廣曰馬在中曰服

在外曰駢駢亦名駢蔡邕曰在最後左駢馬頭上

是為德車五時車安



立亦皆如之各如方色馬亦如之白馬者  
朱其髦尾為朱鬣云所御駕六餘皆駕四

後從為副車

古文尚書曰子臨北民慍平若朽索之馭六馬逸禮王度記曰天子

駕六馬諸侯駕四大夫三士二庶人一周禮四馬為乘毛詩天子至大夫同駕四士駕二易京氏春秋公

羊說皆云天子駕六許慎以為天子駕六諸侯及卿駕四大夫駕三士駕二庶人駕一史記曰秦始皇以

水數制乘六馬鄭玄以為天子四馬周禮乘馬有四圍各養一馬也諸侯亦四馬顧命時諸侯皆獻乘黃

朱乘亦四馬也今帝者駕六此自漢制與古異耳蔡邕表志曰以文義不著之故俗人多失其名五時副

車曰五帝車鸞旗曰雞翹耕根曰三蓋其比非一也

耕車其飾皆如之有三蓋一曰芝車置轡

耒耜之箠上親耕所乘也

新論桓譚謂揚雄曰君之為黃門郎

居殿中數見輿輦玉蚤華芝及鳳皇三蓋之屬皆玄黃五色飾以金玉翠羽珠絡錦繡茵席者也東京賦曰立戈迪夏農輿路木薛綜曰戈句予戟夏長矛置車上者邪柱之也邪也是謂戈路農輿三蓋所謂耕根車也東耕于藉乘馬無飾故稱木也賀循曰漢儀親耕青衣幘東京賦說親耕亦云鸞路蒼龍賀循曰車必有鸞而春獨鸞路者鸞鳳類而色青故以名春路也賦又曰介御閒以剡耜薛綜曰耜耒金也廣五寸著耒耜而載之天子車參乘帝在左御在中介處右以耒置御之右

戎車其飾皆如之蕃以矛麾金鼓羽析幢

翳輶胄甲弩之箠

漢制度曰戎立車以征伐周官其矢箠通俗文曰箭箠謂

之步又于寶亦曰今謂之步又鄭玄注既夕曰服車箱也顏延之幼誥云弩矢也

獵車其飾皆如之重綢縵輪繆龍繞之一

曰闕猪車親校獵乘之魏文帝改曰闕虎車

太皇太后皇太后法駕皆御金根重翟羽加蓋者也

交路帳裳徐廣曰青交路青帷裳非法駕則乘紫罽駟

車字林曰駟車有衣蔽無後轆者謂之輜也釋名駟屏也四屏蔽婦人乘牛車也有郵曰輜無郵

曰駟傳子曰周曰輜車即輦也雲櫺文畫駟黃金塗五末徐廣

曰未詳疑謂前一轆及衡端轂頭也蓋蚤左右駢駕三馬

長公主赤罽駟車

大貴人貴人公主王妃封君油畫駟車大

貴人加節畫輶皆右駢而已

皇太子皇子皆安車朱班輪青蓋金華蚤

黑樨文畫輶文輶金塗五末皇子為王錫

以乘之故曰王青蓋車

徐廣曰旂旗九旒畫降龍魏武帝令問東平王

有金路何意為是特賜非侍中鄭稱對曰天子五路金以封同姓諸侯得乘金路與天子同此自得非

特賜也

皇孫綠車以從皆左右駢駕三

獨斷曰綠車名曰皇孫車

天子有孫乘之公列侯安車朱班輪倚鹿較伏熊軾

卓繒蓋黑輶右駢

車有輶者謂之軒

中二千石二千石皆阜蓋朱兩轡其千石  
六百石朱左轡轡長六尺下屈廣八寸上  
業廣尺二寸九文十二初後謙一寸若月

初生示不敢自滿也

案本傳舊典傳車驂駕乘赤帷裳唯郭賀為冀州勅

去檐帷謝承書曰孔恂字巨卿新淦人州別駕從事車前舊有屏星如刺史車曲翳儀式是時刺史行部發去日晏刺史怒欲去別駕車屏星恂諫曰明使君傳車自發晚而欲徹去屏星毀國舊儀此不可行別駕可去屏星不可省即投傳去刺史追辭謝請不肯還於是遂不去屏星說文曰車當謂之屏星

景

帝中元五年始詔六百石以上施車轡得

銅五末軛有吉陽箒中二千石以上右駢

三百石以上阜布蓋千石以上阜繒覆蓋  
二百石以下白布蓋皆有四維杠衣賈人

不得乘馬車除吏赤畫杠其餘皆青云古今注曰

武帝天漢四年令諸侯王大國朱輪特虎居前虛兕右麋小國朱輪畫特熊居前寢麋居左右卿車者也

公列侯中二千石二千石夫人會朝若蠶

各乘其夫之安車右駢加交路帷裳皆阜

非公會不得乘朝車得乘漆布輜輶車銅

五末

乘輿大駕公卿奉引太僕御大將軍參乘

屬車八十一乘薛綜曰屬之言相連屬也皆在後爲三行備千乘萬

騎西都行祠天郊甘泉備之官有其注名

曰甘泉鹵簿蔡邕表志曰國家舊章而幽僻藏蔽莫之得見東都唯

大行乃大駕大駕太僕校駕法駕黃門令

校駕乘輿法駕八卿不在鹵簿中河南尹

執金吾雒陽令奉引奉車郎御侍中參乘

屬車四十六乘前驅有九旂雲罕徐廣曰旂車有九乘

前史不記形也武王剋紂百夫荷罕旗以先驅東京賦曰雲罕九旂薛綜曰旌旗名鳳皇闈

戟薛綜曰闈之言函也取四戟函車邊皮軒鸞旗應劭漢官鹵簿圖曰乘輿大駕

則御鳳皇車以金根為列皆大夫載郭璞曰皮軒革車或曰即

曲禮前有士師則載虎皮鸞為旗者編羽旄列繫幢旁胡廣曰建

蓋在中民或謂之雞翹非也胡廣曰鸞旗以銅作

不同後有金鉦黃鉞說文曰鉞大斧也司馬法曰夏執玄鉞躬執白鉞周杖黃

鉞黃門鼓車古者諸侯貳車九乘秦滅九

國兼其車服故大駕屬車八十一乘法駕

半之屬車皆阜蓋赤裏木輻戈矛弩箛尚

書御史所載最後一車懸豹尾薛綜曰侍御史載之豹

尾以前比省中小學漢官篇曰豹尾過後罷屯解圍胡廣曰施於道路豹尾之內為



省中故須過後屯圍乃得解皆所以戒不虞也淮南  
子曰軍正執豹皮所以制正其衆禮記前載虎皮亦  
此之義類

行祠天郊以法駕祠地明堂省什三  
祠宗廟尤省謂之小駕每出太僕奉駕上  
鹵簿中常侍小黃門副尚書主者郎令史  
副侍御史蘭臺令史副皆執注以督整車  
騎謂之護駕春秋上陵尤省於小駕直事  
尚書一人從其餘令以下皆先行後罷

輕車古之戰車也洞朱輪輿不巾不蓋建

矛戟幢麾輶輅服

徐廣曰置輅於  
軾上駕兩馬也

藏

庫大駕法駕出射聲校尉司馬史士載以  
次屬車在鹵簿中諸車有矛戟其飾幡旂  
旗幟皆五采制度從周禮吳孫兵法云有  
巾有蓋謂之武剛車武剛車者為先驅又  
為屬車輕車為後殿焉

大使車立乘駕駟赤帷持節者重導從賊  
曹車斧車督車功曹車皆兩大車伍伯瓌

弩十二人辟車四人

周禮滌狼氏千寶注  
曰今卒辟車之屬

從車

四乘無節單導從減半

小使車不立乘有駢赤屏泥油重絳帷導  
無斧車近小使車蘭輿赤轂白蓋赤帷從  
騶騎四十人此謂追捕考案有所勅取者  
之所乘也諸使車皆朱班輪四輻赤衡軛  
其送葬白堊已下洒車而後還公卿中二  
千石二千石郊廟明堂祠陵法出皆大車  
立乘駕駟他出乘安車

大行載車其飾如金根車加施組連璧交  
絡四角金龍首銜璧垂五采析羽流蘇前

後漢書志十九  
後雲氣畫帷裳楯文畫曲轡長懸車等太  
僕御駕六布施馬布施馬者淳白駱馬也  
以黑藥灼其身爲虎文既下馬斤賣車藏  
城北秘宮皆不得入城門當用太僕考工  
乃內飾治禮吉凶不相干也

公卿以下至縣三百石長導從置門下五  
吏賊曹督盜賊功曹皆帶劔三車導主簿  
主記兩車爲從縣令以上加導斧車公乘  
安車則前後并馬立乘長安雒陽令及王

國都縣加前後兵車亭長纂要雒陽亭設長車前吹管設

右駢駕兩璫弩車前伍伯公八人中二千

石二千石六百石皆四人自四百石以下

至二百石皆二人黃綬武官伍伯文官辟

車鈴下侍閣門蘭部署街里走卒皆有程

品多少隨所典領

驛馬三十里一置臣昭案東晉猶有郵驛共置承受傍郡縣文書有郵有驛

行傳以相付縣置屋二區有承驛吏皆條所受書每月言上州郡風俗通曰今吏郵書掾府督郵職掌此

卒皆赤幘絳鞬云古者軍出師旅皆從秦

省其卒取其師旅之名焉公以下至二千石騎吏四人千石以下至三百石縣長二人皆帶劍持棨戟為前列捷弓韉九韉俗通

文曰弓韉謂之韉諸侯王法駕官屬傅相以下皆備

鹵簿似京都官騎張弓帶韉遮迺出入稱

課促列侯家丞庶子導從若會耕祠主縣

假給辟車鮮明卒備其威儀導從事畢皆

罷所假諸車之文乘輿倚龍伏虎楯文畫

輶龍首鸞衡重牙班輪外龍飛軫薛綜曰飛軫以

緹油廣八寸長注地畫左蒼龍右白虎繫軸頭二千石亦然但無畫耳盧植禮記注曰輪轄頭也楚辭云倚結軫兮太息王逸注曰重較也李尤小車銘曰軫之嗛虛疏達開通案二家之言不如綜注所記

皇太子諸侯王倚虎伏鹿摠文畫軻轡吉

陽笏朱班輪鹿文飛軫旂旗九旒降龍公

列侯倚鹿伏熊黑轡朱班輪鹿文飛軫九

旒降龍卿朱兩轡五旒降龍二千石以下

各從科品諸轡車以上軛皆有吉陽笏諸

馬之文案乘輿金鍔方鈇插翟象鑣爾雅注曰鑣馬

勒旁鐵也龍畫綬沫升龍赤扇汗詩云朱幘鑣此用象牙

君以朱纏鑣扇汗且以爲鑣飾青兩掖鸞尾駙馬左右赤珥  
流蘇飛鳥節赤膺兼皇太子或亦如之王  
公列侯鏤錫义髦朱鑣朱鹿朱文絳扇汗  
青掖鸞尾卿以下有駢者緹扇汗青掖尾  
當盧义髦上下皆通中二千石以上及使  
者乃有駢駕云

後漢書志第二十九



後漢書志第三十

輿服下

劉

昭

注補

冕冠

長冠

委貌冠

皮弁冠

爵弁冠

通天冠

遠遊冠

高山冠

進賢冠

法冠

武冠

建華冠

方山冠

巧士冠

却非冠

却敵冠

樊噲冠

術氏冠

鶡冠

憤

佩

刀

印

黃赤綬

赤綬

綠綬

紫綬

青綬

黑綬

黃綬

青紺綸

后夫人服

上古穴居而野處衣毛而冒皮未有制度  
後世聖人易之以絲麻觀翬翟之文榮華  
之色乃染帛以效之始作五采成以爲服  
見鳥獸有冠角顛胡之制遂作冠冕纓鞋  
以爲首飾凡十二章故易曰庖犧氏之王

天下也仰觀象於天俯觀法於地觀鳥獸  
之文與地之宜近取諸身遠取諸物於是  
始作八卦以通神明之德以類萬物之情  
黃帝堯舜垂衣裳而天下治蓋取諸乾  
乾以有文故上衣玄下裳黃日月星辰山

龍華虫

孔安國注尚書曰  
華象草華蟲雉也

作績宗彝

古文尚  
書績作

會孔安國曰以五采成此畫焉  
宗廟彝樽亦以山龍華蟲為飾

藻火粉米

孔安  
國曰

藻水草有文者火為火  
字粉若粟米米若聚米

黼黻絺繡

孔安國曰黼  
若斧形黻為

兩己相背葛之精者曰絺五色備曰繡杜預  
注左傳曰白與黑謂之黼黑與青謂之黻

以五

采章施于五色作服

孔安國曰以五采明施于五色作尊卑之服

天

子備章

鄭玄周禮注曰此古天子冕服十二章

公自山以下侯

伯自華蟲以下子男自藻火以下卿大夫

自粉米以下至周而變之以三辰為旂旗

王祭上帝則大裘而冕

鄭眾曰大裘羔裘服以祀天示質也

公侯

卿大夫之服用九章以下

鄭玄曰華蟲五色之蟲周禮續人職曰鳥

獸蛇雜四時五色之位以章之謂是也王者相變至周而以日月星辰畫於旌旗所謂三辰旂旗昭其明也而冕服九章初一日龍次二曰山次三曰華蟲次四曰火次五曰宗彛皆畫以為績次六曰藻次七曰粉米次八曰黼次九曰黻皆紵以為繡則衮之衣五章裳四章凡九也鷩畫以雉謂華蟲也其衣三章裳

四章凡七也毳畫虎雌謂宗彝也其衣三章裳二章凡五也緇刺粉米無畫也其衣一章裳一章凡三也法言曰聖人文質者也車服以彰之藻色以明之聲音以揚之詩書以光之籩豆不陳玉帛不分琴瑟不鏗鍾鼓不取吾無以見乎聖也秦以戰國即天子位滅去禮

學郊祀之服皆以衾立漢承秦故至世祖

踐祚都于土中始修三雍正兆七郊顯宗

遂就大業初服旒冕衣裳文章赤舄絢履

以祠天地養三老五更於三雍于時致治

平矣天子三公九卿特進侯侍祠侯祀天

地明堂皆冠旒冕衣裳立上纁下

東觀書曰  
永平二年

正月公卿議春南北郊東平王蒼議曰孔子曰行夏之時乘舸之路服周之冕為漢制法高皇帝始受命創業制長冠以入宗廟光武受命中興建明堂立辟雍陛下以聖明奉遵以禮服龍袞祭五帝禮缺樂崩久無祭天地冕服之制接尊事神禮絜齋盛服敬之至也日月星辰山龍華藻天王袞冕十有二旒以則天數旂有龍章日月以備其文今祭明堂宗廟圓以法天方以則地服以華文象其物宜以降神肅雍備思博其類也天地之禮冕冠裳衣宜如明堂之制

乘輿備文日月星辰

十二章三公諸侯用山龍九章九卿以下

用華蟲七章皆備五采大佩赤舄絢履以

承大祭百官執事者冠長冠皆祗服五嶽

四瀆山川宗廟社稷諸沾秩祠皆約玄長

冠五郊各如方色去百官不執事各服常

冠杓玄以從

冕冠垂旒前後邃延

邃垂也延冕上覆

玉藻

周禮曰五采繅

十有二就皆五采玉十有二玉笄朱紘鄭玄注曰繅雜文之名也合五采絲為之繩垂於延之前後各十

二所謂邃延也就成也繩之每一而貫五采玉十

二旒則十二玉也每就間蓋一寸朱紘以朱組為紘也紘一條屬兩端於武此為袞衣之冕十二旒則用

玉二百八十八驚衣之冕繅九旒用玉二百一十六

義衣之冕七旒用玉百六十八絺衣之冕五  
帝永平二年初詔有司采周官禮記尚書

孝明皇  
皐陶篇乘輿服從歐陽氏說公卿以下從

大小夏侯氏說冕皆廣七寸長尺二寸前

圓後方朱綠裏玄上前垂四寸後垂三寸

係白玉珠為十二旒以其綬采色為組纓

說文曰組綬屬也小者以為冕纓焉禮記曰玄冠朱組綬天子之服是也三公諸侯七

旒青玉為珠卿大夫五旒黑玉為珠獨斷曰三公諸

侯九旒卿七旒與此不同皆前無後各以其綬采色為

組纓旁垂黹纊呂忱曰黹黃色也黃絲為之禮緯曰旒垂目纊塞耳王者示不

聽讒不視非也薛綜曰以珩玉為充耳也詩云充耳琇瑩毛萇傳曰充耳謂之瑱天子玉瑱琇瑩美石也

諸侯以石郊天地宗祀明堂則冠之蔡邕曰鄙人不識謂之平天冠



衣裳玉佩備章采乘輿刺史公侯九卿以下皆織成陳留襄邑獻之云

長冠一曰齋冠高七寸廣三寸促漆繩爲之制如板以竹爲裏初高祖微時以竹皮爲之謂之劉氏冠楚冠制也民謂之鵲尾冠非也祀宗廟諸祀則冠之皆服衿獨玄斷

曰衿紺繒也吳都賦曰衿阜服也

絳緣領袖爲中衣絳綉練示

其赤心奉神也五郊衣幘綉練各如其色此冠高祖所造故以爲祭服尊敬之至也

委貌冠皮弁冠同制長七寸高四寸制如覆杯前高廣後卑銳所謂夏之母追殷之章甫者也委貌以皁緇爲之皮弁以鹿皮爲之行大射禮於辟雍公卿諸侯大夫行

禮者冠委貌衣玄端素裳

鄭衆周禮傳曰衣有襦裳者爲端鄭

玄曰謂之端取其正也正者士之衣袂皆二尺二寸而屬幅是廣袤等也其袂尺二寸大夫以上侈之侈之者蓋半而益一焉半而益一則其袂三尺三寸袂尺八寸執事者冠皮弁

衣緇麻衣皁領袖下素裳所謂皮弁素積

者也

皮弁質也石渠論玄冠朝服戴聖曰玄冠委貌也朝服布上素下緇帛帶素韋鞞白虎通

曰三王共皮弁素積素積者積素以爲裳也言要中辟積也

爵弁一名冕廣八寸長尺二寸如爵形前

小後大繒其上似爵頭色有收持笄所謂

夏收殷皞者也獨斷曰殷黑而微白前大而後小夏純黑亦前小而後大皆以

三十六升漆布爲之詩云常服黼皞書曰王與大夫盡弁上古皆以布中古以絲孔子曰麻冕禮也今也

純祠天地五郊明堂雲翹舞樂人服之禮

曰朱干玉鉞鄭玄曰朱干赤大盾也鉞斧也冕而舞大夏此

之謂也

通天冠高九寸正腎頂少邪却乃直下爲

鐵卷梁前有山展筩為述乘輿所常服

獨斷

日漢受之秦禮無文

服衣深衣制有袍隨五時色袍者

或曰周公抱成王宴居故施袍禮記孔子  
衣逢掖之衣縫掖其袖合而縫大之近今  
袍者也今下至賤更小史皆通制袍單衣  
阜緣領袖中衣為朝服云

遠游冠制如通天有展筩橫之於前無山

述諸王所服也

獨斷曰禮無文

高山冠一曰側注制如通天不邪却直豎

無山述展筓

獨斷曰鐵為卷梁高九寸漢書音義曰其體側立而曲注

中外

官謁者僕射所服太傅胡廣說曰高山冠

蓋齊王冠也秦滅齊以其君冠賜近臣謁

者服之

史記酈生初見高祖儒衣而冠側注漢舊儀曰乘輿冠高山冠飛月之纓幘耳赤丹

紉裏衣帶七尺斬蛇劍履虎尾絢履案此則亦通于天子

進賢冠古緇布冠也文儒者之服也前高

七寸後高三寸長八寸公侯三梁

胡廣曰車駕巡狩幸

其國者侯衣玄端之衣冠九旒之冕其盛法服以就

位也今列侯自不奉朝請侍祠祭者不得服此皆常

三梁冠卑單衣其歸國流黃衣卑云晉公卿禮

秩曰太傅司空司徒著進賢三梁冠黑介幘

中二

千石以下至博士兩梁自博士以下至小

史私學弟子皆一梁宗室劉氏亦兩梁冠

示加服也

獨斷曰漢制禮無文荀綽晉百官表注曰建光中尚書陳忠以為令史質堪上

言太官宜著兩梁尚書孟希奏太官職在鼎俎不列

職在典掌王饗統六清之飲列八珍之饌正百品之

著納四方之貢所奉尤重用思又勤明詔慎口實之

御防有敗之茲增崇其選侍御史主捕察太醫令奉

方藥供養符節今掌幡信金虎故位從大夫車有韜

沂冠有兩梁所以殊親疏別內外也太官今以供養

言之為最親近以職事言之為最煩多今又高選又

執法比太醫今科同服等而冠二人殊名實不嗣又

博士秩卑以其傳先王之訓故尊而異之今服大夫

之冕猶此言之兩梁冠非必列於陞位也建初中太

官令兩梁冠春秋之義大於復古如堪言合典可施

行克厭帝心即聽用之獻帝起居注曰中平六年令  
三府長史兩梁冠五時衣袍事位從千石六百石

法冠一曰柱後獨斷曰柱後惠文高五寸以纒為展

笏前書注曰纒今之纒通俗文憤棗曰纒鐵柱卷荀綽晉百官表注曰鐵柱言其

厲直不曲繞執法者服之侍御史廷尉正監平也

或謂之獬豸冠獬豸神羊能別曲直楚王

嘗獲之故以為冠異物志曰東北荒中有獸名獬豸一角性忠見人鬪則觸

不直者聞人論則咋不正者楚執法者所服也今冠

兩角非象也臣昭曰或謂獬豸迺非定名在兩角未

足斷正安不存其腎飾令兩為冠乎胡廣說曰春秋左氏傳有  
南冠而縶者則楚冠也秦滅楚以其君服

賜執法近臣御史服之

武冠

一云古緇布冠象也或曰繁冠

一曰武弁大冠諸武

官冠之

晉公卿禮秩曰大司馬將軍尉驃騎車騎衛軍諸大將軍開府從公者著武冠平上

侍中中常侍加黃金璫附蟬為文貂尾

為飾謂之趙惠文冠

又名駿驥冠

胡廣說曰趙武

靈王效胡服以金璫飾首前插貂尾為貴

職秦滅趙以其君冠賜近臣

應劭漢官曰說者以金取堅剛

百鍊不耗蟬居高飲絜口在掖下貂內勁捍而外溫潤此因物生義也徐廣曰趙武靈王胡服有此秦即漢而用之說者蟬取其清高飲露而不食貂紫蔚采潤而毛采不彰灼故於義亦取胡廣又曰意謂北方



寒涼本以貂皮暖頤附建武時匈奴內屬世祖  
施於冠因遂變成首飾

賜南單于衣服以中常侍惠文冠中黃門

童子佩刀云

建華冠以鐵為柱卷貫大銅珠九枚制似

縷鹿

獨斷曰其狀若婦人縷鹿  
薛綜曰下輪大上輪小

記曰知天者

冠述知地者履絢春秋左傳曰鄭子臧好

鷓冠前圓以為此則是也

說文曰鷓知  
天將兩鳥也

天地

五郊明堂育命舞樂人服之

方山冠似進賢以五采穀為之祠宗廟大

予八佾四時五行樂人服之冠衣各如其  
行方之色而舞焉

巧士冠高七寸要後相通直豎不常服唯

郊天黃門從官四人冠之在鹵簿中次乘

輿車前以備官者四星云

獨斷曰  
禮無文

却非冠制似長冠下促宮殿門吏僕射冠

之負赤幡青翅燕尾諸僕射幡皆如之

獨斷

曰禮  
無文

却敵冠前高四寸通長四寸後高三寸制

似進賢衛士服之

獨斷曰禮無文

樊噲冠漢將樊噲造次所冠以入項羽軍

廣九寸高七寸前後出各四寸制似冕司

馬殿門大難衛士服之或曰樊噲常持鐵

楯聞項羽有意殺漢王噲裂裳以裹楯冠

之入軍門立漢王旁視項羽

術氏冠前圓吳制差池灑池四重趙武靈

王好服之今不施用官有其圖注

淮南子曰楚莊王所

復繼冠者是蔡邕曰其說未聞

諸冠皆有纓鞋執事及武吏皆縮纓垂五

寸

武冠俗謂之大冠環纓無鞋以青系爲緄

加雙鷩尾腎左右爲鷩冠云

莊子云纓胡之纓武士之服是

也五官左右虎賁羽林五中郎將羽林左

右監皆冠鷩冠紗縠單衣虎賁將虎文絳

白虎文劔佩刀虎賁武騎皆鷩冠虎文單

衣襄邑歲獻織成虎文云鷩者勇雉也其

鬪對一死乃止故趙武靈王以表武士秦

施之焉

徐廣曰鷦似黑雉出於上黨荀綽晉百官表注曰冠插兩鷦鷩鳥之暴疏者也每所

攫撮應爪摧衄天子武騎故以冠焉傳立賦注曰羽騎騎者戴鷦

安帝立皇太子太子謁高祖廟世祖廟門

大夫從冠兩梁進賢洗馬冠高山罷廟侍

御史任方奏請非乘從時皆冠一梁不宜

以為常服事下有司尚書陳忠奏門大夫

職如諫大夫洗馬職如謁者故皆服其服

先帝之舊也方言可寢奏可謁者古者一

名洗馬

古今注曰建武十三年初令長皆小冠獨斷曰公卿侍中尚書衣卓而朝者曰朝

目諸營校尉將大  
夫以下不爲朝臣

古者有冠無幘其戴也加首有頰所以安  
物故詩曰有頰者弁此之謂也三代之世  
法制滋彰下至戰國文武並用秦雄諸侯  
乃加其武將首飾爲絳袖以表貴賤其後  
稍稍作顏題漢興續其顏却掣之施巾連  
題却覆之今喪幘是其制也名之曰幘幘  
者蹟也頭首嚴蹟也至孝文乃高顏題續  
之爲耳崇其巾爲屋合後施收上下羣臣

貴賤皆服之文者長耳武者短耳稱其冠也尚書幘收方三寸名曰納言示以忠正顯近職也迎氣五郊各如其色從章服也皐衣羣吏春服青幘立夏乃止助微順氣尊其方也武吏常赤幘成其威也未冠童子幘無屋者示未成人也入學小童幘也句卷屋者示尚幼少未遠冒也喪幘却摺反本禮也升數如冠與冠偕也期喪起耳有收素幘亦如之禮輕重有制變除從漸

文也

獨斷曰幘古者卑賤執事不冠者之所服也董仲舒止兩書曰執事者皆赤幘知不冠者

之所服也元帝額有壯髮不欲使人見始進幘服之羣臣皆隨焉然尚無巾故言王莽秃幘施屋冠進賢者宜長耳冠惠文者宜短耳各隨其宜漢舊儀曰凡齋紺幘耕青幘秋貆劉服紺幘

古者君臣佩玉尊卑有度上有韍

徐廣曰韍如巾蔽膝

貴賤有殊佩所以章德服之衷也韍所以

執事禮之共也故禮有其度威儀之制三

代同之五霸迭興戰兵不息佩非戰器韍

非兵旗於是解去紱佩留其係璲

徐廣曰今名璲為纆

以為章表故詩曰鞞鞞佩璲此之謂也

鞞鞞佩玉



貌璫瑞也鄭玄箋曰佩璫者以瑞玉為佩佩之鞞鞞然紱佩既廢秦乃以

采組連結於璫光明章表轉相結受故謂

之綬漢承秦制用而弗改故加之以雙印

佩刀之飾至孝明皇帝乃為大佩衝牙雙

瑠璜皆以白玉詩云雜佩以贈之毛萇曰珣璜瑠瑠衝牙之類月令章句曰佩

上有雙衝下有雙璜瑠瑠以雜之衝牙瑣珠以納其間玉藻曰右徵角左官羽進則揖之退則揚之然後

玉瑤鳴焉纂要曰瑠瑠所以納閒在玉之閒今白珠也乘輿落以白珠公

卿諸侯以采絲其視冕旒為祭服云

佩刀乘輿黃金通身貂錯半鮫魚鱗金漆

錯雌黃室五色罽隱室華諸侯王黃金錯

環挾半鮫黑室公卿百官皆純黑不半鮫

小黃門雌黃室中黃門朱室童子皆虎爪

文虎賁黃室虎文其將白虎文皆以白珠

鮫為鏢口之飾通俗文曰鏢乘輿者加翡翠山

紆嬰其側左傳曰藻繅鞞鞞杜預曰鞞佩刀削上

而加賜容刀有飾顯其能制斷也春秋繁露曰劔之

在左青龍之象也刀之在右白虎之象也鞞之在前

朱鳥之象也冠之在首立武之象也四者人之盛飾也且昭案自天子至于庶人咸皆帶劔劔之與刀形制不同名稱各異故蕭何劔履上殿不稱為刀而此志言不及劔如為未備

佩雙印長寸二分方六分乘輿諸侯王公  
列侯以白玉中二千石以下至四百石皆  
以黑犀二百石以至私學弟子皆以象牙  
上合絲乘輿以滕貫白珠赤罽鞞諸侯王  
以下以繇赤絲鞞滕繇各如其印質刻書  
文曰正月剛卯既決靈爻四方赤青白黃  
四色是當帝令祝融以教夔龍庶疫剛瘳  
莫我敢當疾日嚴卯帝令夔化慎爾周伏  
化茲靈爻既正既直既觚既方庶疫剛瘳

莫我敢當凡六十六字

前書注云以正月卯日作

乘輿黃赤綬四采黃赤紺縹淳黃圭長丈

九尺九寸五百首

漢舊儀曰璽皆白玉螭虎細文曰皇帝行璽皇帝之璽皇

帝信璽天子行璽天子之璽天子信璽凡六璽皇帝行璽凡封之璽賜諸侯王書信璽發兵徵大臣天子

行璽策拜外國事天地鬼神璽皆以武都紫泥封青囊白素裏兩端無縫尺一板中約署皇帝帶綬黃地

六采不佩璽璽以金銀滕組侍中組負以從秦以前民皆佩綬金玉銀銅犀象為方寸璽各服所好奉璽

書使者乘馳傳其驛騎也三騎行晝夜千里為程吳書曰漢室之亂天子北詣河上六璽不自隨掌璽者

投井中孫堅北討董卓頓軍城南官署有井每旦有五

色氣從井出堅使人浚得傳國璽其文曰受命于天既壽永昌方圍四寸上有紐文槃五龍璿七寸管龍上一角缺獻帝起居注曰時六璽不自隨及還於

閣上得晉陽秋曰丹闕大將軍蔣幹以傳國璽付河南太守戴施施獻之百僚皆賀璽光照洞徹上蟠螭文隱起書曰昊天上帝壽昌秦舊璽也

徐廣曰傳國璽文曰受天之命皇帝壽昌

諸侯玉赤綬

徐廣曰太子及諸王金印龜紐纁朱綬

四采赤黃

縹紺淳赤圭長二丈一尺三百首

荀綽晉百官表注曰

皇太子朱綬三百二十首

太皇太后皇太后其綬皆與乘輿同皇后

亦如之

長公主天子貴人與諸侯王同綬者加特

也

諸國貴人相國皆綠綬三采綠紫紺淳綠

圭長二丈一尺二百四十首

前書曰相國丞相皆秦官金印

紫綬高帝相國綠綬徐廣曰金印綠綬綬音庚草名也以染似綠又云似紫紫綬名緇綬音瓜其色青紫綬字亦蓋音同也傳寫者誤遂作繫公加殊禮皆服之何承天云緇音媯青紫色綬綬紫色也

公侯將軍紫綬二采紫白淳紫圭長丈七

尺百八十首

前書曰太尉金印紫綬御史大夫位上卿銀印青綬成帝更名大司

空金印紫綬將軍亦金印漢官儀曰馬防為車騎將軍銀印青綬在卿上絕席和帝以寶憲為車騎將軍

始加金紫

次司空

公主封君服紫綬

九卿中二千石二千石青綬三采青白紅

淳青圭長丈七尺百二十首一號青綬自青綬

以上綬皆長三尺二寸與綬同采而首半

之綬者古佩璲也佩綬相迎受故曰綬紫

綬以上綬綬之間得施玉環鑄云通俗文曰缺環曰鑄

漢舊儀曰其斷獄者印為章也

千石六百石黑綬三采青赤紺淳青圭長

丈六尺八十首四百石三百石長同漢官曰尚書僕

射銅印  
青綬

後漢書志三  
十六  
四百石三百石二百石黃綬淳黃圭一采  
長丈五尺六十首白黑綬以下緹綬皆長  
三尺與綬同采而首半之

百石青紺綸一采宛轉繆織長丈二尺乎丁

漢儀載太僕太中大夫襄言乘輿綬黃地冒白羽青  
絳綠五采四百首長二丈三尺詔所下王綬冒亦五  
采上下無差諸王綬四采絳地冒白羽青黃去綠二  
百六十首長二丈一尺公主綬如王侯絳地紺縹三  
采百二十首長丈八尺二千石綬羽青地桃華縹三  
采百二十首長丈八尺黑綬羽青地絳二采八十首  
長一丈七尺黃綬一采八十首長丈七尺以為常式  
民織綬不如式沒入官犯者為不斫二千石綬以上  
禁民無得織以粉組皇  
太后詔可王綬如所下



凡先合單紡爲一系四系爲一扶五扶爲

一首五首成一文文采淳爲一圭首多者

系細少者系麤皆廣尺六寸東觀書曰建武元年復設諸侯

王金璽緌綬公侯金印紫綬九卿執金吾河南尹秩

皆中二千石大長秋將作大匠度遼諸將軍郡太守

國傅相皆秩二千石校尉中郎將諸郡都尉諸國行

相中尉內史中護軍司直秩皆二千石以上皆銀印

青綬中外官尚書今御史中丞治書侍御史公將軍

長史中二千石丞正平諸司馬中宮王家僕雒陽今  
秩皆千石尚書中謁者謁者黃門冗從四僕射諸都  
監中外諸都官今都候司農部丞郡國長史丞候司  
馬千人秩皆六百石家今侍僕秩皆六百石雒陽市  
長秩四百石主家長秩皆四百石以上皆銅印黑綬  
諸署長揖擢丞秩三百石諸秩千石者其丞尉皆秩  
四百石秩六百石者丞尉秩三百石四百石者其丞

尉秩二百石縣國丞尉亦如之縣國三百石長相丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守官今相或千石或六百石長相或四百石或三百石長相皆以銅印黃綬而有秩者侍中中常侍光祿大夫秩皆二千石太中大夫秩皆比二千石尚書諫議大夫侍御史博士皆六百石議郎中謁者秩皆比六百石小黃門黃門侍郎中黃門秩皆比四百石郎中秩皆比三百石太子舍人秩二百石

太皇太后皇太后入廟服紺上卑下蠶青

上縹下皆深衣制徐廣曰即單衣隱領袖緣以條翦

釐菌簪珥珥耳璫垂珠也簪以瑇瑁為擗

長一尺端為華勝上為鳳皇爵以翡翠為

毛羽下有白珠垂黃金鑷左右一橫簪之以安齒結諸簪珥皆同制其擿有等級焉皇后謁廟服紺上阜下蠶青上縹下皆深衣制隱領袖緣以條假結步搖簪珥步搖以黃金爲山題貫白珠爲桂枝相繆一爵九華熊虎赤罷天鹿辟邪南山豐大特六獸詩所謂副笄六珈者

毛詩傳曰副者后夫人之首飾編髮爲之笄衡

笄也珈笄飾之最盛者所以別尊卑鄭立曰珈之言加也副既笄而加飾如今步搖上飾古之制所未聞

諸爵獸皆以翡翠爲毛羽金題白珠璫繞

以翡翠爲華云

貴人助蠶服純纁上下深衣制大手結墨  
璫瑁又加簪珥

長公主見會衣服加步搖公主大手結皆  
有簪珥衣服同制

自公主封君以上皆帶綬以采組爲緹帶  
各如其綬色黃金辟邪首爲帶鏤飾以白  
珠

公卿列侯中二千石二千石夫人紺繒茵

黃金龍首銜白珠魚須橈長一尺爲簪珥  
入廟佐祭者阜綃上下助蠶者縹綃上下  
皆深衣制緣自二千石夫人以上至皇后  
皆以蠶衣爲朝服公主貴人妃以上嫁娶  
得服錦綺羅縠縵采十二色重緣袍特進  
列侯以上錦縵采十二色六百石以上重  
練采九色禁丹紫紺三百石以上五色采  
青絳黃紅綠二百石以上四采青黃紅綠  
賈人縹縹而已

博物記曰交州南有蠶長減一  
寸形似白英不知其名視之無

色在陰地多細色則赤黃之色也

公列侯以下皆單緣襪制

文繡為祭服自皇后以下皆不得服諸古

麗圭袿閨緣加上之服

司馬相如大人賦曰垂旬始以為袿注云葆下

旒也則袿之容如旌旒也

建武永平禁絕之建初永元又

復中重於是世莫能有制其裁者乃遂絕

矣

蔡邕表志曰永平初詔書下車服制度中宮皇太子親服重繒厚練浣已復御率下以儉化起機諸

侯王以下至于士庶嫁娶被服各有秩品當傳萬世揚光聖德臣以為宜集舊事儀注本奏以成志也

凡冠衣諸服旒冕長冠委貌皮弁爵弁建

華方山巧士衣裳文繡赤舄服絢履大佩

皆爲祭服其餘悉爲常用朝服唯長冠諸  
王國謁者以爲常朝服云宗廟以下祠祀  
皆冠長冠皁繒袍單衣絳緣領袖中衣絳  
綉練五郊各從其色焉

贊曰車輅各庸旌旂異局冠服致美佩紛  
璽玉敬敬報情尊尊下欲孰夸華文匪豪  
麗縹

後漢書志第三十

--	--	--	--	--	--	--	--	--	--

1. 11. 21. 10. 10. 10. 10. 10. 10. 10.

1. 11.

1. 11.



跋

班書既成欲覓一同式之范書不可得先是涵  
芬樓收得此本因取以爲配書中避宋諱者有  
玄玆絃縣縣懸懸朗朗毗敬儻驚警音鏡境躬  
弘匡匡筐恇恇汴汴僣僣胤胤胤鞞頰頰恒恒禎禎  
楨楨偵偵偵貞貞徵懲讓讓襄穰署署曙樹澗豎  
啓豎啓啓禘頊頊曷旭畜忒忒僂僂僂僂煦杓杓  
垣昔宇丸紉浚苧苧筭構構構構搆搆搆搆購購  
購遴遴遴遴勢勢勢勢雛雛雛雛垢垢垢垢瑋瑋瑋瑋  
輶等字桓構二字時作淵聖御名及今上御名其爲字不成者  
迹多剗改且有已剗未補遂留空格者瑗瑗瑗慎  
三字亦缺筆是蓋刊於高宗南渡以還而成於  
孝宗受禪之後至避軒轅二字則以眞宗大中

祥符七年禁文字斥用黃帝名號故視同廟諱是則他書所罕觀也錢泰吉校是書時所見有義門校本紀第三至第九卷之殘宋本校律歷志至禮儀志之北宋小字殘本校郡國志第九至二十二卷之宋一經堂本小山校蔡邕傳之鈔補北宋本又校第九十卷之淳化校定本又麻沙劉仲立本近人常熟瞿氏聊城楊氏德化李氏烏程劉氏亦均藏有宋刻然無一與此合者昔人校勘范書莫詳於宋之劉攽宋史言攽邃史學作東漢刊誤爲人所稱頌劉氏鑽研至深所據之本必多然吾頗疑其未及茲所從出之本是本帝紀第一下光武帝紀建武九年初置青巾左校尉官十五年復置屯騎長水射

聲三校尉官十九年復置函谷關都尉又列傳  
卷第九耿國傳遂置度遼將軍四置字均不誤  
致而劉氏則均謂致宜作置並於初見注下謂  
致字訓送詣上文光武爲司隸致僚屬招致之  
義可作致字蓋緣前文遂誤此字卷二明帝紀  
亦復是歲更賦注當行者不可往卽還因住一  
歲住不誤任而劉氏則謂因任一歲案任當作  
住卷三章帝紀建初四年教學爲本注夏日校  
校不誤教而劉氏則謂夏日教教當作校卷八  
靈帝紀熹平四年爲民興利注前漢地理志及  
續漢郡國志並無監今蒲州安邑縣西南有鹽  
池無監不誤無鹽鹽池不誤鹽城而劉氏則謂  
注鹽城當作鹽池耳及無鹽字下當有一監字

又中平六年上軍校尉蹇碩下獄死獄下不脫  
死字而劉氏則謂正文蹇碩下獄案碩以此時  
誅明少一死字列傳卷四齊武王傳引精兵十  
萬南渡黃淳水黃不誤漢而劉氏則謂漢字據  
注唯當作黃又子煬王石嗣煬不誤殤而劉氏  
則謂王石立二十四年不可以殤蓋是煬字  
卷十三竇憲傳發北軍五校注漢有南北軍中  
候一人六百石掌臨五營五不誤立而劉氏則  
謂掌臨立營臨當作監立當作五卷十八下馮  
衍傳陂山谷而間處兮守寂寞而存神注陂音  
兵義反兵不誤丘而劉氏則謂注陂丘義反切  
不得丘當作兵卷二十二樊儵傳儵字長魚下  
文全作儵不誤儵而劉氏則謂按儵非魚類與

名不合疑本是儵字又按儵弟名鮪知作儵無疑又如令陛下子臣等專誅而已如令不誤如今而劉氏則謂按文今當作令卷二十五鄭玄傳其勗求君子之道研鑽勿替鑽不誤鑽而劉氏則謂案文鑽當作鑽卷二十八度尙傳夫事有虛實法有是非夫事不誤大事而劉氏則謂案文大當作夫卷二十九劉愷傳如今使臧吏禁錮子孫今不作令今義亦較令字爲長而劉氏則謂如今使臧吏案文多一如字卷三十三朱暉傳數年坐法免注坐考長吏囚死獄中吏不誤史而劉氏則謂案臨淮郡無長史旣言囚死獄中當是吏字又惟今所言適我願也今不誤令而劉氏則謂惟令所言案時暉未爲尙書

令明此令字是今字卷三十八應劭傳夫國之  
大事莫尙載籍籍下無也字而劉氏則謂案文  
多一也字卷四十七李雲傳帝者諦也注帝之  
言諦也言諦不誤諦言而劉氏則謂注帝之諦  
言也案文言言當在諦字上卷四十九張衡傳曾  
何貪于支離而習其孤技耶注學屠龍于支離  
益益不誤蓋而劉氏則謂注支離蓋案莊子蓋  
當作益支離其名益耳後人不讀莊子妄改爲  
蓋又羈要褻以服箱褻不誤褻而劉氏則謂案  
要褻古良馬當作褻從馬又歛神化而蟬蛻兮  
朋精粹而爲徒注蟬蛇蛻所解皮也蟬下有蛇  
字考說文虫部蛻蛇蟬所解皮也知此本不誤  
特文字顛倒耳而劉氏則謂當云蛻蟬所解皮

不言缺一蛇字卷五十四趙岐傳著孟子章句  
孟不誤要而劉氏則謂正文著要子章句案要  
當作孟卷五十六陳蕃傳震受考掠誓死不言  
受不誤授而劉氏則謂案文授當作受卷六十  
三公孫瓚傳每聞有警瓚輒厲色憤怒警不誤  
驚而劉氏則謂驚當作警卷七十八西域莎車  
國傳不復置王但遣將鎮守其國王不誤正而  
劉氏則謂案文正當作王卷八十鮮卑傳將帥  
良猛財賦充實賦不誤富而劉氏則謂富字當  
作賦是劉氏所見與此不同綜計刊誤存者凡  
六百數十條而此之未誤或未全誤者猶有三  
十餘條與劉氏所刊正者合則是所從出之本  
較劉氏所見之本不可謂非彼善於此矣尤有

異者卷五十下蔡邕傳邕乃自書冊于碑使工  
鐫刻立於太學門外注劉氏謂論語二碑毀案  
文當是一碑毀若二碑毀者當云皆毀而已是  
本乃作論語三碑二碑毀按原注上文碑凡四  
十六枚西行尚書周易公羊傳十六碑存十二  
碑毀南行禮記十五碑悉崩壞合之論語三碑  
正得四十六枚知此作三碑爲不誤劉氏所見  
不同故爲是反覆辨正之詞是此非特無誤且  
可刊劉氏刊誤之誤矣洪邁容齋四筆淳化五  
年監中所刊後漢書凡九十卷惟帝后紀十卷  
列傳八十卷又云劉昭注補志三十卷至本朝  
乾興元年判國子監孫奭始奏以備前史之闕  
是當時各自爲書讀者亦不與范書等視故劉



氏刊誤僅限紀傳而不及於志按崇文總目郡齋讀書志所載均作後漢書九十卷志三十卷直齋書錄解題亦曰後漢書九十卷後漢志三十卷是本小名在上大名在下列傳第一下題漢書第十一直接后紀第十續志別爲三十卷各不相涉猶存舊式然目錄則以志彙入紀傳之間殊不可解直齋書錄又謂館閣書目乃直以百二十卷併稱蔚宗撰益非是館閣書目淳熙元年陳叔進等所撰進見馬氏經籍考此書同時刊成意者校刻之時偶用此紊合之本參觀互證率爾沿用致成歧異耶何義門謂初讀是書嫌其譌謬頗多及觀劉氏刊誤乃知在北宋卽罕善本是本爲南宋覆刻且有元代補版

後漢書 五  
紕繆更所難免然以校後刻諸本文字異同不可勝數且有足資是正者使何氏見之當必有慰情聊勝之感矣黃堯圃百宋一廛賦注予所藏班書前互入乾興元年中書門下牒國子監文一通卽孫奭以劉昭注司馬彪志補章懷注范書故事云云前印班書獲見此文今以移置志前用存掌故原書略有闕佚各就北平圖書館東京靜嘉堂文庫所藏殘冊借影補配幸成完璧然多爲補刊之葉其銜接處每有重文世間祇此數本亦無可如何者也海鹽張元濟